

慈悲道場懺法傳

此懺者梁武帝為皇后郝氏所集也郝氏崩後數月帝常追悼之晝則忽忽不樂宵乃耿耿不寐居寢殿聞外有騷華之聲視之乃見一蟒盤踞上殿睽睽呀口以向於帝帝大驚駭無所逃遁不得已蹶然而起謂飽曰朕宮殿嚴警非尔地類所生之靈必其媿孽欲崇朕耶地為人語啓帝曰蟒則昔之郝氏也妾以生存嫉妬六宮其性慘毒怒一發則火熾矢射殞物害人死以具罪謫為蟒耳無飲食可實口無窟穴可庇身飢窘困迫力不自勝又一鱗甲則有多垂啞齒肌肉痛苦其劇若加錐刀焉蟒非常地亦復變化而至不以皇居深重為阻耳感帝平昔眷妾之厚故託醜形骸陳露於帝祈一功德以見拯拔也帝聞之

嗚呼感激既而求蟒遂不復見帝明日大集沙門於殿庭宣其由問善之取以贖其苦

志公對曰非禮佛懺條悃歎方可帝乃然其言搜索佛經錄其名号兼親行卷思灑聖翰撰悔文共成十卷皆採摭佛語削去閑詞為其懺禮又一日聞宮室內異香馥郁良久轉羨初不知所來帝因仰視乃見一天人容儀端麗謂帝曰此則蟒後身也蒙帝功德已得生初利天今呈本身以為明驗也懇懃致謝言訖不見自梁迄今已數百年得此經本虔敬禮懺所為所祈者皆有陰騭感應猶恐厭事闇然未彰輒以粗記用達諸耳目矣

慈悲道場懺法卷第一

立此慈悲道場四空乃曰夢感彌勒世尊既慈隆即世悲臻後劫依事題名弗敢移易承此念力

欲守護三寶令魔隱蔽摧伏自大增上慢者未種善根者今當令種已種善根者今令增長若計有既得住諸見者皆患令發捨離之心樂小法者令不疑大法樂大法者令生歡喜又此慈悲諸善中王一切眾生所歸依愛如日照晝如月照夜為人眼目為人導師為人父母為人兄弟同歸道場為真知識慈悲之親重於血肉世世相隨雖死不離故目等心標号如上

今日道場幽顯大眾立此懺法并發大心有十二大回緣何等十二一者願化六道心無限齊二者為報慈恩功無限齊三者願以此善力令諸眾生受佛禁戒不起犯心四者以此善力令諸眾生於諸尊長不起慢心五者以此善力令諸眾生在所生處不起恚心六者以此善力令諸眾生於他身色不起嫉心七者以此善力令諸眾生於內外

法不起慳心八者以此善力令諸
 衆生凡所修福不為自身悉為一
 切無覆護者九者以此善力令諸
 衆生不為自身行四攝法十者以
 此善力令諸衆生見有孤獨幽繫
 疾病起較濟心令得安樂十一者
 以此善力若有衆生應折伏者而
 折伏之應攝受者而攝受之十二
 者以此善力令諸衆生在所生處
 恒自憶念發菩提心令菩提心相
 續不斷仰願幽顯九聖大衆同加
 覆護同加攝受某甲字讀自
 稱名後皆例此所
 梅清淨所願成就等諸佛心同諸
 佛願六道四生皆悉隨從滿菩提願
 淨三業法淨身當洗淨口講佛功德淨意運心誠
 悔三業既淨乃可得心淨三寶大悲慈又

歸依三寶第一 斷疑第二

懺悔第三 發菩提心第四

發願第五 發迴向心第六

歸依三寶第一由親往名之為歸
 始修憑託名之為依

今日道場同業大衆宜各人人起
 覺悟意念世無常形不久住少壯

必衰勿恃容姿自覆汗行萬物無
 常皆當歸死天上天下誰能留者
 年少顏色肌膚鮮澤氣息香潔
 是非身保人生合會必歸磨滅生
 老病死至來無期誰當為我却除
 之者災害卒至不可得脫一切貴
 賤因而死已身體腫脹臭不可聞
 空愛惜之於事何益自非勤行勝
 業無由出離茅等自惟形同朝露
 命速西光生世貧乏無德可稱智
 無神聖大人之明識無聖人洞徹之
 照言無忠和仁善之義行無進退
 高下之節謬立斯志勞倦仁者仰
 屈大衆慚懼之心既法席有期追
 戀無及從此別願各努力勤意朝夕
 親奉供養人加精進唯是為快仰願
 大衆各秉其心披忍辱鎧入深法門
 今日道場同業大衆宜各慈重起
 勇猛心不放逸心安住心大勝心大
 慈悲心樂善心歡喜心報恩心度
 切心守護一切心救護一切心同菩薩心

等如來心心志意五體投地奉為
 國王帝主土地人民父母師長上中
 下座善惡知識諸天諸仙護世四王
 主善罰惡守護持咒五方龍王龍
 神八部廣及十方無窮無盡含靈
 抱識水陸空界一切衆生

歸依十方盡虛空界一切諸佛一拜
 歸依十方盡虛空界一切尊法一拜
 歸依十方盡虛空界一切賢聖一拜
 今日道場同業大衆何故應須歸依
 三寶諸佛菩薩有無限齊大悲度
 脫世間有無限齊大慈安慰世間念
 一切衆生猶如一子大慈大悲常無
 懈倦恒求善事利益一切捨滅衆
 生三毒之火教化令得阿耨多羅三
 藐三菩提衆生不得佛捨不取正
 覺以是義故應須歸依又復諸佛
 慈念衆生過於父母經言父母念兒
 慈止一念佛念衆生慈心無盡又父
 母見子背恩違義心生悲恨慈心
 薄少諸佛菩薩慈心不介見衆

生悲心益重乃至入於無間地獄大火輪中代諸眾生受無量苦是知諸佛諸大菩薩愛念眾生過於父母而諸眾生無明覆慧煩惱覆心於佛菩薩不知歸向說法教化亦不信受乃至厥言起於誹謗未曾發心念諸佛思以不信故墮在地獄餓鬼畜生諸惡道中遍歷三途受無量苦罪畢得出暫生人間諸根不具以自莊嚴無禪定水無智慧力如是等障由無信心

今日道場同業大眾不信之罪眾罪之上能令行人長不見佛相與今日各自慷慨折意挫情生增上心起慙愧意稽顙求哀懺悔往罪業累既盡表裏俱淨然後運想入歸信門若不起如是心運如是意直想隔絕障滯難通一失斯向真然無返豈得不人人五體投地如大山崩一心歸信無復疑想等今日諸佛菩薩慈悲心力始蒙覺悟深生慙愧若

已作之罪願七除滅未作之罪不敢復造從今已去至于菩提起堅固信不復退轉等捨此身命若生地獄道若生餓鬼道若生畜生道若生人道若生天道於三界中若受男身若受女身若受非男非女等身若大若小若升若降受諸迫惱難堪難忍誓不以苦故退失今日信心寧於千劫萬劫受種種苦誓不以苦故退失今日信心仰願諸佛大地菩薩同加救護同加攝受等信心堅固等諸佛心同諸佛願眾魔外道所不能壞相與志心等一痛切五體投地

歸依十方盡虛空界一切諸佛一拜
 歸依十方盡虛空界一切尊法一拜
 歸依十方盡虛空界一切賢聖一拜

今日道場同業大眾善攝心聽夫人天幻惑世界虛假由其幻惑非真故無實果虛假浮脆故則遷變無窮無實果故所以久滯生死之流遷變

改故所以長泛受苦之海如是眾生聖所悲念故悲華經云菩薩成佛各有本願釋迦不現長年促為短壽悲此眾生變化俄頃長淪苦海不得捨離故在此上殺諸弊惡教有剛強苦切之言不捨於苦而度眾生未嘗不以善法方便弘濟益之心所以三昧經言諸佛心者是大慈悲慈悲所緣緣苦眾生若見眾生受苦惱時如箭入心如破眼目見已悲泣心無暫安欲拔其苦今得安樂又諸佛等知其化是均至於釋迦偏辨勇猛以能忍苦度脫眾生當知本師慈恩實重能於苦惱眾生之中說種種語利益一切我等今日不蒙蒙解脫進不聞之音之旨退不覩雙樹燿輝良由業障念與悲隔相與今日起悲慈心以悲慈如來故善心濃厚既在苦中憶如來恩嗚咽懊惱慙顏哽噎等一痛切五體投地志心奉為

國王帝主土地人民父母師長信施檀

越善惡知識諸天諸仙聰明正直天
地虛空護世四王主善罰惡守護持
咒五方龍王龍神八部廣及十方無
窮無盡一切眾生重複

歸依十方盡虛空界一切諸佛一拜

歸依十方盡虛空界一切尊法一拜

歸依十方盡虛空界一切賢聖一拜

相與慈心胡跪合掌心念口言你如是說

諸佛大聖尊覺法無不盡天人無上師

是故為歸依一切法常住清淨修多羅

能除身心病是故為歸依大地諸菩薩

無着四沙門能救一切苦是故為歸依

三寶護世間我今頭面禮六道一眾生

今盡為歸依慈悲覆一切皆令得安樂

哀愍眾生者我等共歸依

五體投地各自念言仰願十方一切三

寶以慈悲力以本願力大神通力不

思議力無量自在力度脫眾生力覆

護眾生力安慰眾生力令諸眾生皆

悉覺悟知某甲等今日為其歸依三寶

以此功德力令諸眾生各得所願若

在諸天諸仙中者令盡諸漏若在阿
脩羅中者捨捨慢習若在人道無
復眾苦若在地獄餓鬼畜生道者
即得免離又復今日若聞三寶名及
與不聞以佛神力令諸眾生盡得
解脫究竟成就無上菩提同諸菩
薩俱登正覺一拜

斷疑第二一切眾生未信法所以於法
上生障是故令須水此疑

今日道場同業大眾一心諦聽天因果

影響感應相生必然之道理無差

舛而諸眾生業行不純善惡迭用以

業不純所以報有精廉或貴或賤或

善或惡其事匪一參差萬品既有

參差不了本行以不了故疑惑亂起

或言精進奉戒應得長生而見短

命屠殺之人應見但齡而又延壽清

廉之士應招富是而見貧苦貧貧乏

人應見困躓而更豐饒如此疑惑人

誰無念而不知往業植回所致又如般

若所明若有請誦此經為人輕賤者

是人先世罪業應墮惡道以今世人

輕賤故先世罪業則為消滅而諸

眾生所以不能深信經語有此疑者

皆由無明惑故妄起顛倒又不信三

界內是苦不信三界外是樂每於世

間皆言是樂若言樂者何意於中

復生苦受飲食過度便成疾疥氣

息喘迫鼓脹絞痛又至衣服玃見憂

勞寒得締絀則恩薄念淺熱見重

裘則苦惱已深若言是樂何意生

惱故知飲食衣服莫非是樂又言眷

屬以為樂者則應長相歡娛歌笑

無極何意俄介無常倏焉而逝適有

今無向在今滅殤天叩地肝心寸斷又

不知生所從來死所趣向銜悲相送直

至窮山執手長離一辭萬劫諸如此

者其苦無量眾生迷見謂其是樂

出世樂回皆言是苦或見進取蔬

隘節身時食未於輕軟習真婦衣

皆言是等強自困苦不知此業是解

脫道或見布施持戒忍辱精進經

行禮拜誦習之人翹勤不懈皆言是

苦而不知是等修出世脫有疾病死
 亡之日便起疑心終日後此心形無時
 暫止之氣力何以堪此若不勤勞
 豈當致困徒喪身命於事無益或
 復自誦其說理實如之不知推果尋
 因妄構此惑者遇善知識則其惑可
 除遇惡知識則其惑更甚其因疑惑
 故隨三惡道在惡道中悔何所及
 今日道場同業大眾凡有此疑因緣
 無量且疑惑習氣出三界外尚未能
 盡況在今形去何須去此生不斷後
 更復增大眾相與方涉長途自行
 苦行當依佛語如教修行不得疑
 惑辭於勞倦諸佛聖人所以得出
 生死度於彼岸者良由積善之功
 故得無導自在解脫我等今日未
 離生死已自可悲何容貪住此惡
 世中今者幸得四大未衰五福康
 愈遊行動轉去來適意而不努力
 復欲何待過去一生已不見諦今生
 空擲復無所證於未來世以何濟度

撫臆論心實悲情抱大眾今日唯
 應勸課努力勤修不得復言且宜
 消息聖道長遠一朝難辦如是一
 朝已復一朝何時當得所作已辦
 今或回誦經坐禪勤行苦行有小
 疾病便言誦習勤苦所致而不自知
 不作此行早應終亡自此行故得至
 今日且大增損疾病是常乃至老
 死不可得避人生世間會歸魔城
 若欲得道當依佛語違而得者無
 有是處一切眾生違佛語故所以輪
 轉三途備嬰萬苦若如佛語都無
 休息勤於諸法如救頭然勿使一生
 無所得也相與人人等一痛切五體
 投地如大山崩奉為有識神以來
 至于今身經生父母歷劫親緣和
 尚阿闍梨同壇尊證上中下座信
 施檀越善惡知識諸天諸仙護世四
 王主善罰惡守護持呪五方龍王
 龍神八部廣及十方無窮無盡一切
 眾生歸依世間大慈悲父

南無弥勒佛南無維衛佛
 南無式棄佛南無隨葉佛
 南無拘留秦佛南無拘那含佛
 南無迦葉佛南無釋迦牟尼佛
 南無無邊身菩薩南無觀世音菩薩
 又復歸依十方盡虛空界一切三寶
 願以慈悲力同加攝受以神通力覆
 護接接後今日去至于菩提四無量
 心六波羅蜜常得現前四無量智
 六神通力如意自在行菩薩道入
 佛智慧同化十方俱登正覺一拜
 今日道場同業大眾重復志誠善
 攝心念相與已得入歸信門唯應衷
 意以趣向為期於內外法莫復留難
 若本業不明自不能造見人作福
 唯應獎勸彈指合掌明進其德不
 宜起心生諸妨導使彼行人心成阻
 退若是不退彼進如故彼既無礙唯
 當自損空構是非於身何益若能
 於善無有導者可謂合道有力大
 人若今作導者於未來世去何能得

通達佛道就理而尋損善實重阻
他善根罪真不輕如護口經說有一
餓鬼形狀醜惡見者毛豎莫不畏
懼身出猛焰猶如火聚口出蛆虫無
有窮盡膿血諸毒以自嚴身臭
氣遠徹不可親近或口吐焰支節火
起舉膺號哭東西馳走是時滿足
羅漢問餓鬼曰汝宿何罪今受此苦
餓鬼答言吾往昔時曾作沙門戀
着資生慳貪不捨不護威儀出言
廉惡若見持戒精進之人輒復罵
辱偏眼惡視自恃豪強謂長不死
造於無量不善之本而今追憶悔
無所補寧以利刀自截其舌從劫至
劫甘心受苦不以一言誹謗他善尊
者還閻浮提以我形狀誠諸比丘
及佛弟子善護口過勿妄出言設
見持戒不持戒者念宣其德吾受
現身經數千劫終日竟夜備受楚
毒我此命盡復入地獄是時餓鬼
說此語已舉聲號哭自投于地如大

崩今日道場同業大眾如經所說
大可怖畏止口過獲報累劫何況
其餘不善之本捨身受苦皆由作
業若不作因亦何得果若有造因
果終不失罪福不遠身自當之譬
如影響不得捨離因無明生亦因而
死去來現在行放逸者未見是人
而得解脫能守護者受福無窮今
日大眾宜各慙愧洗滌身心懺謝前
各罪故不造新諸佛稱歎相與從
今日若見人之善莫論成與不成
久與不久但使一念一頃一時一刻一
日一月半年一歲已自勝於不作者
矣所以法華經言若人散亂心入於
塔廟中一稱南無佛皆已成佛道
而況有人能發如是大心勤於福善
不隨喜者聖所悲念^甲等自惟無
始生死以來至于今日已應有無量
惡心阻人勝善何以故然若無是事
云何今日於諸善法多有留難禪
定不能習智慧不能修少時禮拜

已言大苦暫執經卷復生厭怠終
日勞擾起諸惡業使此身形不得
解脫如蚕作繭自縊自縛如蛾赴
火長夜熾然如是等障無量無邊
障苦提心障苦提願障苦提行皆由
惡心誹謗他善今始覺悟生大慙愧
稽顙求哀懺悔此罪唯願諸佛諸大
菩薩以慈悲心同加神力令^甲等所
懺除滅所悔清淨所有障罪無量罪
業回今懺悔淨盡無餘相與人等一
痛切五體投地歸依世間大慈悲父
南無彌勒佛南無釋迦牟尼佛
南無善德佛南無無憂德佛
南無栴檀德佛南無寶施佛
南無無量明佛南無華德佛
南無相德佛南無三乘行佛
南無廣眾德佛南無明德佛
南無師子遊戲菩薩南無師子奮迅菩薩
南無無邊身菩薩南無觀世音菩薩
又復歸依如是十方盡虛空界一切三
寶相與胡跪合掌各自稱名心念口

言^其等從無始生死以來至于今日未能得道受此報身於四事中未得相離三毒熾然貪瞋嫉妬起眾惡業見人布施見人持戒自不能隨喜見人忍辱見人精進自不能行不能隨喜見人坐禪修智慧業自不能行不能隨喜如是等罪無量無邊今日懺悔願乞除滅又復無始以來至于今日或見人作善修諸功德不能隨喜行住坐卧於四威儀心無慙愧慢懈怠不念無常不知捨此身形應入地獄於他身色起種種惡障人建立三寶與顯供養障人修習一切功德如是罪障無量無邊今日懺悔願乞除滅又復無始以來至于今日不信三寶是歸依處障人出家障人持戒障人布施障人忍辱障人精進障人坐禪障人誦經障人寫經障人造像障人齋會障人供養障人苦行障人行道乃至他人一毫之善皆生障礙不信出家是遠離法不信忍辱

是安樂行不知平等是菩提道不知離相是出世心致使生愛多諸障礙如是罪障無量無邊唯有諸佛諸大菩薩盡知盡見如諸佛菩薩所知所見罪量多少今日慙愧發露懺悔一切罪因苦果願乞消滅後今日未至坐道場行菩薩道無有疲厭財法二施無有窮盡智慧方便所作不空一切見聞無不解脫相與志心五體投地仰願十方一切諸佛大地菩薩一切賢聖以慈悲心同加神力令六道一切眾生以今懺法一切眾苦皆悉斷除離顛倒緣不起惡覺捨四趣業得智慧生行菩薩道不休不息行願早圓速登十地入金剛心成等正覺

懺悔第三 將欲發菩提心必消懺悔故次第三顯懺悔法門

今日道場同業大眾經言在凡謂之縛在聖謂之解縛即是三業所起之惡解即是無礙之善一切聖人安心斯在神智方便無量法門明了眾生善惡之業能以一身作無量身能以

一非種種變現能促一切以為一日能延一日以為一切欲停壽命則永不滅欲現無常則示涅槃神通智慧出沒自在飛行適性坐卧虛空履水如地不見險難畢竟空寂以為栖止通達萬法空有俱明成就辯才智慧無量如是等法不從惡業中生不從貪瞋嫉妬中生不從愚癡邪見中生不從懶墮懈怠中生不從情慢自養中生唯從謹慎不作眾惡勤行善業中生何處見人修諸善業隨從佛語而有貧窮者有醜陋者有癱殘百疾不自在者有卑賤為人陵蔑者有所言說不為人信用者今以身證若有一人隨從佛語修諸功德不為自身而得惡報者寧寧以我身入阿鼻地獄受種種苦使此等人得惡報者無有是處

今日道場同業大眾若欲捨凡入聖者當依佛語如教修行莫辭小苦生懶隨心宜自努力懺悔滅罪經言罪

後回緣生亦後回緣。滅既未免。九類觸向多迷。自非資以懺悔。無由出離。相與今日起。勇猛心發。懺悔意懺悔之力。不可思議。何以知然。阿闍世至有大逆罪。歎悔責重。苦輕受。又此懺法令諸行人得安隱樂。若能自課努力披誠。至到稽顙懺悔。悔依畢竟為期者。而不通感諸佛。未之有也。惡業果報影響無差。應當怖懼。苦到懺悔。各各志心等。一痛切五體投地。念口言作如是說。遙請諸佛。同加哀愍。願殺我苦厄。大悲覆一切。普放淨光明。滅除癡暗。念我及一切。方嬰地獄苦。必來至我所。施令得安樂。我今稽首。禮聞名救厄者。我今共歸依。世間慈悲父。南無彌勒佛。南無釋迦牟尼佛。南無金剛不壞佛。南無寶光佛。南無龍尊王佛。南無精進軍佛。南無精進喜佛。南無寶火佛。南無寶月光佛。南無現無愚佛。南無寶月佛。南無無垢佛。

◎慈悲道場懺法

南無離垢佛一三
南無師子幢菩薩。南無師子作菩薩。南無無邊身菩薩。南無觀世音菩薩。又復歸依十方盡虛空界一切三寶。唯願必定來愍我。三毒苦。施令得安樂。及與大涅槃。以大悲水洗除垢穢。令至菩提。畢竟清淨。六道四生。有此罪者。同得清淨。成就阿耨多羅三藐三菩提。究竟解脫。相與志心等。一痛切五體投地。念口言某甲等。自從無始以來。至于今日。無明所覆。受使所纏。瞋恚所縛。墮在愚網。經歷三界。備涉業過去。回緣。或自破淨命。或破他淨命。自破梵行。破他梵行。自破淨戒。破他淨戒。如是罪惡。無量無邊。今日慙愧懺悔。願七除滅。
某甲等。重復志誠。五體投地。又復無始以來。至于今日。依身口意。行十惡業。身殺盜淫。口妄言綺語。兩舌惡罵。意貪瞋癡。自行十惡。教他行十惡。

量無邊。今日懺悔。願七除滅。
某甲等。重復志誠。五體投地。又復無始以來。至于今日。依於六根。行於六識。取於六塵。眼著色。耳著聲。鼻著香。舌著味。身著細滑。意著法塵。起種種業。乃至開八萬四千塵勞門。如是罪惡。無量無邊。今日懺悔。願七除滅。
某甲等。重復志誠。五體投地。又復無始以來。至于今日。依身口意。行不平等。但知有我。身不知有他。身但知有我。苦不知有他。苦但知我。求安樂不知他。求安樂但知我。求解脫不知他。亦求解脫但知有我。家眷屬不知他。亦有眷屬。但知自身。一癢一痛。不可抑忍。楚撻他身。恒恐苦毒不深。但自知畏現身小苦。而不知畏起諸惡業。捨身應墮地獄。於地獄中。備受眾苦。乃至不知。餓鬼道畜生道。阿脩羅道。人道天道。有種種苦。以不平等故。

起吾伐心生怨親想所以怨對遍於六道如是等罪無量無邊今日懺悔願七除滅某甲等重復志誠五體投地又復無始以來至于今日心顛倒想顛倒見顛倒離善知識近惡知識背八正道行八邪道非法說法法說非法不善說善善說不善起憍慢幢張愚癡帆隨無明流入生死海如是罪惡無量無邊今日懺悔願七除滅某甲等重復苦到五體投地又復無始以來至于今日以三不善根起四顛倒造作五逆行於十惡熾然三毒長養八苦造八寒八熱諸地獄回造八萬四千萬子地獄回造一切畜生回造一切餓鬼回造人天生老病死種種苦回受於六道無量苦果難可堪忍不可聞見如是罪惡無量無邊今日懺悔願七除滅某甲等重復苦到五體投地求哀悔過又復無始以來至于今日以三毒根起於三有中歷二十五有覆覆起諸罪惡隨逐業風不自知

覺或墮人持戒修定修慧或障人修諸功德修諸神通如是罪障障善提心障善提願障善提行今日懺悔願七除滅某甲等重復苦到五體投地又復無始以來至于今日以貪愛心搆起六識隨逐六塵起眾多罪或於眾身邊起或於非眾身邊起或於無漏人起或於無漏法起如是貪瞋所起罪惡今日懺悔願七除滅又愚癡心起顛倒行信於邪師受於邪說著斷著常著我著見隨癡所行起無量罪如是目緣障善提心障善提願障善提行今日懺悔願七除滅某甲等重復志誠五體投地又復無始以來至于今日身三惡業口四惡業意三惡業從無始無明住地煩惱恒沙上煩惱止上煩惱觀上煩惱四住地煩惱三毒四取五蓋六愛七漏八垢九結十使如是一切煩惱等障無量無邊障善提心障善提願障善提行今日懺悔願七除滅

某甲等重復志誠五體投地又復無始以來至于今日不能修慈悲心不能修喜捨心不能修檀波羅蜜尸波羅蜜屬提波羅蜜毗梨耶波羅蜜禪波羅蜜空寂若波羅蜜又不能修一切助善提法如是無有方便無有智慧障善提心障善提願障善提行今日懺悔願七除滅某甲等重復增到五體投地又復無始以來至于今日輪轉三界徧歷六道受四生身或男或女非男非女徧一切處起無量罪或為本身眾生更相毀食或為細身眾生更相毀食如是等殺業無量無邊障善提心障善提願障善提行今日懺悔願七除滅某甲等重復志誠五體投地自從有識神已來至于今日於六道中受四生身於其中閒所起罪惡無窮無盡如是等罪唯有十方一切諸佛大地菩薩盡知盡見如諸佛菩薩所知所見罪惡多少今日志心稽顙

求哀慙愧懺悔已作之罪願盡銷滅未作之罪不敢復作仰願十方一切諸佛以大慈心受某甲等今日懺悔以大悲水洗某甲能障菩提一切罪垢今至道場畢竟清淨又願十方一切諸佛以不思議力以本願力度脫衆生力覆護衆生力令某甲等今日起誓發菩提心從今已去至坐道場畢竟成立不復退轉所有誓願志同菩薩所行誓願仰願十方一切諸佛大地菩薩以慈悲心同加攝受令某甲等得如所願滿菩提願一切衆生各各具足滿菩提願

三十八

慈悲道場懺法卷第一

慈悲道場懺法卷第二 發菩提心第四

今日道場同業大眾相與已得洗浣心垢十惡重障淨盡無餘業累既遣內外俱潔次應仰學菩薩修行直道功德智慧由之而生所以諸佛每歎發心是道場能辦事故唯願大眾各堅其志莫以年命待時漏盡勿令空去後悔無益相與今日值遇好時不應日夜煩惱覆心且當努力發菩提心菩提心者即是佛心功德智慧不可格量蓋論一念况復多念假使歷劫修無量福乃至今生備行餘善不及發心萬分之一算數譬喻亦不能盡又有一人但作福德不發菩提無上道心譬如耕田不下種子既無其芽何處求實以是義故須發菩提心因緣爲證上報佛恩下拔一

切所以佛讚諸天子言善哉善哉如汝所說爲欲利益一切衆生發菩提心是爲第一供養如來又發菩提心非止一過唯應數發令菩提心相續不斷是以經言於那由他河沙佛所發大善願是知發心其數無量又發菩提心但遇善知識便得心發未必皆須值佛出世如文殊師利始向菩提乃因女人以發初心慧式不惟凡品輕標心志實由渴仰大乘貪求佛法依倚諸經取譬世事怨親無差六道一相願因斯善俱得解脫若同信解知非戲論

今日道場同業大眾發菩提心必須起想先緣所親繫念之時念己父母師長眷屬又念地獄餓鬼畜生又念諸天諸仙一切善神又念人道一切人類有受苦者當云何救見已起想應作是念唯有大心

能拔彼苦若一想成應作二想二
 想成已應作三想三想成已滿一
 室想一室成已滿一由旬一由旬
 滿已滿閻浮提閻浮提滿已滿三
 天下如是漸廣滿十方界見東方
 衆生盡是其父西方衆生盡是其
 母南方衆生悉是其兄北方衆生
 悉是其弟下方衆生悉是姊妹上
 方衆生悉是師長其餘四維悉是
 沙門婆羅門等見已作念若受苦
 時自作我想語諸人所調身按摩
 摺拔其苦得解脫已爲其說法讚
 佛讚法讚菩薩衆作是讚已心生
 歡喜見其受樂如己無異今日道
 場同業大衆發菩提心應當如是不
 捨於苦而度衆生相與人入人等
 一痛切五體投地心念口言作是
 誓願^某等從今日去乃至道場於
 其中閒在所生處值善知識常發
 無上菩提之心若在三途及墮八

難常使憶念發菩提心令菩提心
 相續不斷^拜
 今日道場同業大衆當起勇猛之
 心殷重誓願發菩提心等一痛切
 五體投地歸依世間大慈悲父
 南無彌勒佛 南無釋迦牟尼佛
 南無勇施佛 南無清淨佛
 南無清淨施佛 南無娑留那佛
 南無水天佛 南無堅德佛
 南無旃檀功德佛 南無無量壽佛
 南無光德佛 南無無憂德佛
 南無那羅延佛 南無功德華佛
 南無堅勇精進菩薩 南無金剛慧菩薩
 南無無邊身菩薩 南無觀世音菩薩
 又復歸依十方盡虛空界一切三寶^某
 等今於十方一切三寶前發菩
 提心從今已去乃至道場行菩薩
 道捨不退還恒作度脫衆生心恒
 作安立衆生心恒作覆護衆生心
 衆生不得佛者誓不先取正覺仰

願十方一切諸佛大地菩薩一切
 賢聖現爲我證令^某等一切行願
 皆悉成就
 今日道場同業大衆設使歷劫行
 多種善乃得人天華報未得出世
 實果壽終福盡還墮惡趣身壞苦
 道不能自免自非立弘誓願發廣
 大心無由止離生死衰惱相與今
 日唯當緣念諸佛起堅固志發菩
 提心發心功德不可稱量諸佛菩
 薩說不能盡如是善力不可思議
 豈得不至心學在一意大集經言
 譬如百年闇室一燈能破勿謂一
 念心輕而不努力相與胡跪一心
 合掌徧緣十方一切三寶心念口
 言^某等今於十方一切諸佛前於
 十方一切尊法前於十方一切菩
 薩前於十方一切賢聖前胡跪合
 掌直心正念起殷重心不放逸心
 安住心樂善心度一切心覆護一

切心等諸佛心發菩提心某某等從

今日去至坐道場不着人天心不

起聲聞心不起辟支佛心唯起大

乘心求一切種智心成就阿耨多

羅三藐三菩提心唯願十方盡虛

空界一切諸佛大地菩薩一切聖

人以本願力現為我證以慈悲力

加助攝受令某某等今日發心在所

生處堅固不退若在三途及墮八

難於三界中受種種身受種種苦

難堪難忍捨不以苦故退失今日

大心寧入無間大火輪中受種種

苦捨不以苦故退失今日大心此

心此願等諸佛心同諸佛願重復

至誠頂禮三寶

某某等從今已去至于成佛不捨二

法知一切法空不捨一切眾生相

與至心等一痛切五體投地心念

口言某某等不為自身求無上菩提

為救濟一切眾生取無上菩提從

今已去至于成佛擔當荷負無量

無邊一切眾生起大悲悲盡未來

際眾生若有三途重罪六趣厄難

某某等捨不避眾苦以身救護令此

眾生得安隱地唯憑十方盡虛空

界一切諸佛

南無彌勒佛 南無釋迦牟尼佛

南無蓮華光遊戲神通佛

南無財功德佛 南無德念佛

南無善名功德佛 南無紅焰幢王佛

南無善遊步功德佛 南無寶華遊步佛

南無寶蓮華善住娑羅樹王佛

南無闍戰勝佛 南無善遊步佛

南無周莊嚴功德佛

南無棄陰蓋菩薩 南無寂根菩薩

南無無邊身菩薩 南無觀世音菩薩

願以大慈悲力現為我證令某某等

今日發菩提心行菩薩道在所生

處具足成就所到之地一切解脫

重復至誠五體投地頂禮十方一

切三寶一拜

某某等不為自身求無上菩提為度

十方一切眾生取無上菩提從今

已去至于成佛若有眾生愚癡黑

闇不識正法起諸異見者復有眾

生雖修德行不達法相者如此眾

生乃至未來某某等捨以佛力法力

賢聖力種種方便令入佛慧令此

眾生具足成就一切種智相與至

心等一痛切五體投地歸依十方

盡虛空界一切諸佛

南無彌勒佛 南無釋迦牟尼佛

南無普光佛 南無普明佛

南無普淨佛

南無多摩羅跋旃檀香佛

南無旃檀光佛 南無摩尼幢佛

南無歡喜藏摩尼寶積佛

南無一切世間樂見上大精進佛

南無摩尼幢燈光佛

南無慧炬照佛 南無海德光明佛

南無金剛穿強普放金光佛

南無大強精進勇猛佛

南無大悲光佛 南無慈力王佛

南無慈藏佛

南無慧上菩薩 南無常不離世菩薩

南無無邊身菩薩 南無觀世音菩薩

仰願諸佛諸大菩薩大慈悲力大

智慧力不思議力無量自在力降

伏四魔力斷除五盖力滅諸煩惱

力無量清淨業塵力無量開發觀

智力無量開發無漏慧力無量無

邊神通力無量度脫眾生力無量

覆護眾生力無量安隱眾生力無

量斷除苦惱力無量解脫地獄力

無量濟度餓鬼力無量救拔畜生

力無量攝化阿脩羅力無量攝受

人道力無量盡諸天諸仙漏力具

足莊嚴十地力具足莊嚴淨土力

具足莊嚴道場力具足莊嚴佛果

功德力具足莊嚴佛果智慧力是

足莊嚴法身力具足莊嚴無上菩

提力具足莊嚴大涅槃力無量無

盡功德力無量無盡智慧力以如

是無量無邊自在不可思議力不

違本誓不違本願悉以施與十方

一切四生六道及今日同發心者

必使皆得發心圓滿具足成就諸

功德力具足成就菩提願力具足

成就菩提行力今日十方若幽若

顯若怨若親若非怨親四生六道

有緣無緣窮未來際一切眾生以

此攝法永得清淨在所生處同得

如願一向堅固心無退轉等與如來

俱成正覺乃至後流一切眾生具

於願界皆悉今入大願海中即得

成就功德智慧同諸菩薩滿十地

行具足一切種智莊嚴無上菩提

究竟解脫一月

發願第五

今日道場同業大眾相與已得發

大心竟喜踊無量宜復應發如是

大願等一痛切五體投地歸依世

間大慈悲父

南無彌勒佛 南無釋迦牟尼佛

南無旃檀窟莊嚴勝佛

南無賢善首佛 南無善意佛

南無廣莊嚴王佛 南無金剛華佛

南無寶蓋照空自在王佛

南無虛空寶華光佛 南無琉璃莊嚴王佛

南無普現色身光佛 南無不動智光佛

南無降伏諸魔王佛 南無才光明佛

南無智慧勝佛 南無殊勒仙光佛

南無藥王菩薩 南無藥上菩薩

南無無邊身菩薩 南無觀世音菩薩

願以不思議力同加覆護今某某

所有摠願皆悉成就在所生處常

不忘失究竟無上菩提成等正覺某某

各自心念口言某某等從今日去願生

生世世在在處處常得憶念發善

提心今菩提心相續不斷某某等從

今日去願生生世世在在處處常
得奉值無量無邊一切諸佛常得
供養供養眾具皆悉滿足甲等從
今日去願生生世世在在處處常
得護持大乘方等一切諸經供養
眾具皆悉滿足甲等從今日去願
生生世世在在處處常值十方無
量無邊一切菩薩供養眾具皆悉
滿足甲等從今日去願生生世世
在在處處常值十方無量無邊一
切賢聖供養眾具皆悉滿足甲等
從今日去願生生世世在在處處
常得奉報覆蔭慈恩有所奉給隨
心滿足甲等從今日去願生生世
世在在處處常得奉值和尙阿闍
梨所應供養隨念滿足甲等從今
日去願生生世世在在處處常得
奉值大力國王共興三寶使不斷
絕甲等從今日去願生生世世在
在處處常得莊嚴諸佛國土無有

一毒八難之名甲等從今日去願
生生世世在在處處得四無礙智
具六神通恒在現前常不忘失以
此教化一切眾生相與至心等一
痛切五體投地歸依世間大慈悲父
南無彌勒佛 南無釋迦牟尼佛
南無世靜光佛
南無善寂月音妙尊智王佛
南無龍種上尊王佛 南無日月光佛
南無日月珠光佛 南無慧幢勝王佛
南無師子吼自在力王佛
南無妙音勝佛 南無常光幢佛
南無觀世燈佛 南無慧威燈王佛
南無法勝王佛 南無須彌光佛
南無須曼那華光佛
南無優曇鉢羅華殊勝佛
南無大慧力王佛
南無阿闍毗歡喜光佛
南無無量音聲王佛
南無山海慧自在通王佛

南無大通光佛 南無才光佛
南無金海光佛 南無切法常滿王佛
南無大勢至菩薩 南無普賢菩薩
南無無邊身菩薩 南無觀世音菩薩
又復歸命如是十方盡虛空界一
切三寶
願承諸佛諸大菩薩一切賢聖大
悲心力令甲等所發指願所生之
處隨心自在甲等從今日去又願
生生世世在在處處若有眾生見
我身色即得解脫若入地獄一切地
獄變為淨土一切苦緣變為樂具
今諸眾生六根清淨身心安樂如
第三禪斷諸疑網發初無漏甲等
從今日去願生生世世在在處處
若有眾生得聞我聲心即安隱滅
除罪垢得陀羅尼解脫三昧具足
大忍辯才不斷俱登法雲成正
覺甲等從今日去願生生世世在
在處處一切眾生得聞我名皆悉

歡喜得未曾有若到三途斷除眾苦若在人天盡諸有漏所向自在無不解脫其等從今日去願生生世世在在處處於一切眾生無有與奪之心無有怨親之想斷三毒根離我我所信樂大法等行慈悲一切和合猶如聖眾其等從今日去願生生世世在在處處於一切眾生心常平等猶如虛空毀譽不動怨親一相入深廣心學佛智慧等視眾生如羅睺羅滿十住業得一子地離於有無常行中道相與至心等一痛切五體投地歸依世間大慈悲父

南無彌勒佛 南無釋迦牟尼佛
南無寶海佛 南無寶英佛
南無寶成佛 南無寶光佛
南無寶幢佛 南無寶光明佛
南無阿閼佛 南無大光明佛
南無無量音佛 南無大名稱佛

南無得大安隱佛 南無正音聲佛
南無無限淨佛 南無月音佛
南無無限名稱佛 南無月光佛
南無無垢光佛 南無淨光佛
南無金剛藏菩薩 南無虛空藏菩薩
南無無邊身菩薩 南無觀世音菩薩
又復歸依如是十方盡虛空界一切三寶

願其等與四生六道以今懺悔發願功德因緣從今日去至于菩提行菩薩道無有疲厭財法二施無有窮盡智慧方便所作不空隨根應病授以法藥一切見聞同得解脫其等又願從今日去乃至菩提行菩薩道無諸留難所到之處常能作大佛事建立道場得心自在得法自在一切三昧無不能入開摠持門顯示佛果居法雲地注甘露雨滅除眾生四種魔怨使得清淨法身妙果其等今日所有眾願

悉如十方諸大菩薩所發摠願所有眾願悉如十方諸佛本時所發一切大願廣大如法性究竟如虛空願其等得如所願滿菩提願一切眾生皆悉隨從得如所願仰願十方一切諸佛一切尊法一切菩薩一切賢聖以慈悲力現為我證又願一切天主一切仙主一切善神一切龍神以擁護三寶慈善根力現為證知令諸行願隨心自在其發迴向心第六

今日道場同業大眾已發菩提心竟已發大摠願竟次應發迴向心相與至心等一痛切五體投地歸依世間大慈悲父
南無彌勒佛 南無釋迦牟尼佛
南無日光佛 南無無量寶佛
南無蓮華取尊佛 南無身尊佛
南無金光佛 南無梵自在王佛
南無金光明佛 南無金海佛

南無龍自在王佛 南無切華自在佛
南無樹王佛

南無勇猛執持穿仗棄捨戰鬥佛

南無內豐珠光佛 南無無量香光明佛

南無文殊師利菩薩 南無妙音菩薩

南無無邊身菩薩 南無觀世音菩薩

又復歸依十方盡虛空界一切三寶

願以慈悲力現為我證^其等願過

去所起一切善業現前所起一切

善業未來當起一切善業若多若

少若輕若重悉以迴施四生六道一

切眾生今諸眾生皆得道心不向

二乘不向三有同共迴向無上菩

提又願一切眾生所起善業若過

去若現在若未來各各迴施不向

二乘不向三有同共迴向無上菩

提今日道場同業大眾相與發菩

提心竟發大誓願竟發迴向心竟

廣大如法性究竟如虛空去來現

在一切諸佛諸大菩薩一切賢聖

皆為證明重復至誠頂礼三寶^{一拜}
甲等發心發願其事已畢喜踊無

量重復至心五體投地奉為

國王帝主父母師長歷劫親緣一

切眷屬善惡知識諸天諸仙護世

四王主善罰惡守護持呪五方龍

王龍神八部一切靈祇過去現在

窮未來際一切怨親及非怨親四

生六道一切眾生歸依世間大慈

悲父

南無彌勒佛 南無釋迦牟尼佛

南無師子嚮佛 南無大精進勇力佛

南無過去堅住佛 南無鼓音王佛

南無日月英佛 南無超出眾華佛

南無世燈明佛 南無休多易宣佛

南無寶輪佛 南無常滅度佛

南無淨覺佛 南無無量寶華明佛

南無須彌步佛 南無寶蓮華佛

南無一切眾寶普集佛

南無法輪眾寶普集^{十九}豐盈佛

南無樹王豈長佛

南無圓繞特尊德淨佛

南無無垢光佛 南無日光佛

又復歸依過去無數劫諸佛大師

海德如來

敬礼無量無邊盡虛空界無生法

身菩薩

敬礼無量無邊盡虛空界無漏色

身菩薩

敬礼無量無邊盡虛空界慈心菩薩

敬礼興正法馬鳴大師菩薩

敬礼興像法龍樹大師菩薩

敬礼十方盡虛空界無邊身菩薩

敬礼十方盡虛空界救苦觀世音菩薩

讚佛呪願

大聖世尊 巍巍堂堂 神智妙遠

眾聖中正 形徧六道 體散十方

頂肉髻相 項出日光 面如滿月

妙色金莊 儀容挺特 行止安詳

威震大千 群魔驚遠 三達洞照

衆邪潛藏 見惡必救 濟苦爲糧

度生死岸 爲行舟航

故號如來應供正徧知明行足善

逝世閒解無上士調御丈夫天人

師佛世尊度人無量拔生死苦以

此發心功德因緣仰願

當今皇帝晉云大皇帝太子殿下國家

眷屬從今日去至于道場亡身爲

法如薩陀波論大悲滅罪如虛空

藏能遠聽法如琉璃光善解難法

如無垢藏又願某甲等所生父母歷

劫親緣從今日去至于道場散形

空界如無邊身具十功德如高貴

德王聞法歡喜猶如無畏神力勇

猛如大勢至又願某甲等和尚阿闍

梨同享眷屬上中下座一切知識

從今日去至于道場各得無畏如

師子王影響大化猶如實積聞聲

濟苦如觀世音善能諮問如大迦

葉又願某甲等出家二在俗三信施檀越

善惡知識各及眷屬從今日去至

于道場解諸危厄猶如救脫相貌

端嚴猶如文殊能捨業障如棄陰

蓋設最後供等於純陀又願諸天

諸仙護世四王聰明正直天地虛

空主善罰惡守護持呪五方龍王

龍神八部幽顯靈祇各及眷屬從

今日去至于道場大慈普覆如阿

逸多精進護法如不休息遠證讀

誦猶如普賢爲法焚身猶如藥王

又願十方一切怨親及非怨親四

生六道一切衆生各及眷屬從今

日去至于道場心無愛染如離意

女微妙巧說如勝鬘夫人能行精

進如釋迦文所有善願等無量壽

所有威神如諸天王不可思議如

維摩詰一切功德各成就無量佛

土悉莊嚴仰願十方盡虛空界無

量無邊諸大菩薩一切賢聖以慈

悲心同加攝受救護拯接所願圓

滿信心堅固德業日遠慈育四生
等如一子今諸衆生得四無量心
得六波羅蜜十受修禪三願廣被
應念見佛皆如勝鬘一切行願畢
竟成就等與如來俱登正覺

慈悲道場懺法卷第二

二十三

慈悲道場懺法卷第三

顯果報第一 出地獄第二

解怨釋結第三 發願第四

顯果報第一

今日道場同業大眾前已具述罪惡過患以過患故乖於勝業以不善業所以墜墮三途備歷惡趣及生人間受諸苦報皆由過去宿對因緣捨身受身無暫停息是以諸佛諸大菩薩神通天眼見三界內一切眾生福盡隨業墮於苦處見無色界樂著定心不覺命終墮於欲界以福盡故受禽獸形色界諸天亦復如是從清淨處墮在欲界既在不淨還受欲樂六天福盡退墮地獄於地獄中受無量苦又見人道就人道中以十善力資得人身惡緣雜染復有多苦壽盡多墮諸惡趣中又見畜生道一切眾生受諸

苦惱鞭杖驅馳負重致遠困苦疲劇項領穿破熱鐵燒烙又見餓鬼常苦飢渴恒被火燒猶如劫盡若無微善永不解脫有片福者劣得人身多病短命以自莊嚴大眾當知善惡二輪未曾暫輟果報連環初無休息貧富貴賤隨行所生非有無因而妄招果所以經言爲人豪貴國王長者從禮事三寶中來爲人大富從布施中來爲人長壽從持戒中來爲人端正從忍辱中來爲人勤修無有懈怠從精進中來爲人才明遠達從智慧中來爲人音聲清徹從歌詠三寶中來爲人潔淨無有疾病從慈心中來爲人長大恭敬人妙爲人短小輕蔑人故爲人醜陋喜瞋恚故生無所知不學問故爲人顯愚不教他故爲人瘖瘂誘毀人故爲人下使負他債故爲人醜黑遮佛光明故生

在裸國輕衣擔揆勝己故生馬蹄國著屐勝己前行故生穿冑國布施作福悔惜心故生聲塵中驚怖人故生墮龍中喜調戲故身生惡瘡鞭撻衆生故人見歡喜見人歡喜故喜遭縣官籠繫衆生故聞說法語於中兩舌亂人聽受後墮耽耳狗中聞說法語心不食采後生長耳驢中慳貪獨食墮餓鬼中出生爲人貧窮飢餓惡食飼人後墮猪狔蜚蛆之中劫奪人物後墮羊中人生剝皮食噉其肉喜偷盜人後生牛馬爲人下使喜作妄語傳人惡者死入地獄烓銅灌口拔出其舌以牛耕之罪畢得出生鳩鵲中人聞其聲無不驚怖皆言變性况今其死喜飲酒醉後墮沸屎泥犁之中罪畢得出生猩猩中猩猩業畢後得爲人頑無所知人不齒錄貪人力者後生象中夫處富貴

爲人上者鞭杖捶打告訴無地如是等人死入地獄數千萬歲受諸苦報從地獄出墮水牛中貫穿鼻口挽船牽車還復受彼大杖打扑償往宿殃爲人不淨從猪中來慳貪不恕己者從狗中來佞戾自用從羊中來爲人輕躁不能忍事從獅猴中來身體腥臭從魚鱉中來爲人含毒從蛇中來人無慈心從虎狼中來

今日道場同業大眾人生世間多病短命種種痛苦不可具說皆由三業構造所得能令行人嬰三途報所以有三途者人有三毒貪恚愚癡又復三惡口常言惡心常念惡身常行惡以此六事能滅人身常苦常惱無有休息於此命終孤魂獨逝慈親孝子不能相救條忽之間到閻羅所地獄獄卒不問尊卑但案罪錄檢校生時善惡多少

神識自首不敢隱匿以是因緣隨業至趣苦樂之地身自當之杳杳冥冥別離長久道路不同會見無期又諸天神記人善惡乃至毛髮無片遺漏善人行善獲倍億壽惡人行惡命短苦長如是輪轉又墮餓鬼從餓鬼脫生畜生中罪苦難忍受之無竟

今日道場同業大眾各自覺悟起慙愧心經言作善得善作惡得惡而五濁惡世不可作惡善不失善報爲惡自招殃莫言輕脫立此懺法經言莫輕小善以爲無福水滴雖微漸盈大器小善不積無以成聖莫輕小惡以爲無罪小惡所積足以滅身大眾當知吉凶禍福皆由心作若不作因亦不得果殃積罪大肉眼不見諸佛所說誰敢不信我等相與生世強健復不勤學自力行善臨窮方悔亦何所及今

已共見一切過患如經所說自知其罪豈得不思捨惡從善今生若復不能用心判捨此形必墮地獄何以知之今見爲罪之時未嘗不以含毒猛烈懷恨深重若瞋一人必欲令死若嫉一人惡見其好若毀一人必陷苦處若鞭一人窮天梵毒忿恚暴害不避尊卑惡罵醜言無復高下聲震若雷眼中火現至於爲福之時善心微劣始欲爲多末遂減少初欲速營續後且住心既不正日月推遷如是進退遂就忘失是爲作罪之時心氣剛強爲福之時志意劣弱今以弱善之因求離強惡之報豈可妄得經云懺悔無罪不滅每至懺悔之時必須五體投地如大山崩此云不惜身命爲滅罪因緣故慇懃督勵等相與各省今生已來已曾幾過作此念責不惜身命掉擗忍苦作

此懺悔暫時禮拜已言氣力不堪或暫端坐復言應須消息或言四體不可過勞宜應將養不可使因一伸脚眼差如不死何處復憶我應禮佛掃塔塗地辦所難辦且經教所明未見一善從懶墮懈怠中生亦未曾見有一善法從驕慢自恣中得甲等今日雖有其形心多背道何以知然今試檢按從旦至中從中至暮從暮至夜從夜至曉乃至一時刻一念一項無有片心念三寶四諦無有片心報父母恩無有片心報師長恩無有片心欲布施持戒忍辱精進無有片心欲學禪定修智慧業清白之法無一可論煩惱重障森然滿目若不作此檢察亦自言我功德不少有小片善而生恃賴言我能作他不能作言我能行他不能行意氣高傲傍若無人追此而言實可羞耻今於

大眾前披誠發露懺悔眾罪願布施歡喜將來無障大眾亦宜自浣身心果報之徵具如向說豈得自寬不求捨離大眾莫言我無是罪我既無罪何須懺悔若有此念願即除滅且幾微小失已成大各覺然之恨瞋恚便起性與習成難可改革心不可縱意不可逞若能抑忍則煩惱可除如其怠墮未見濟度甲等今日仰承諸佛慈悲念力諸大菩薩本捨願力說罪業報應教化地獄經宜各靜慮一心諦聽如是我聞一時佛住王舍城耆闍崛山中與菩薩摩訶薩及聲聞眷屬俱亦與比丘比丘尼優婆塞優婆夷及諸天龍鬼神等皆悉集會

得燈世尊說法利益眾生亦復如是今時世尊觀時已至知諸菩薩勸請懇勤即放眉間白毫相光照于十方無量世界地獄休息苦痛安寧亦時一切受罪眾生尋佛光明來詣佛所遶佛七匝至心作禮勸請世尊廣宣道化令諸眾生得蒙解脫

今日道場同業大眾我今至誠勸請諸佛亦復如是願諸眾生同得解脫相與至心等一痛切五體投地勸請十方盡虛空界一切諸佛願以慈悲力救諸苦惱令得安樂又復勸請世間大慈悲父

南無彌勒佛 南無釋迦牟尼佛
南無梵天佛 南無不退轉輪成道佛
南無大興光王佛 南無法種尊佛
南無日月燈明佛 南無須彌佛
南無大須彌佛 南無超出須彌佛
南無香像佛 南無圍繞香動佛

南無淨光佛 南無香自在王佛

南無大集佛 南無香光明佛

南無大光佛 南無無量光明佛

南無師子遊戲菩薩 南無師子奮迅菩薩

南無堅勇精進菩薩 南無金剛慧菩薩

南無無邊身菩薩 南無觀世音菩薩

南無佛陀 南無達摩

南無僧伽

又復歸依如是十方盡虛空界一

切三寶

大慈大悲唯願救拔一切苦惱令

諸眾生即得解脫改往修來不復

為惡從今日去畢竟不復墮於三

途身口意淨不念人惡離諸業障

得清淨業一切眾邪不復更動常

行四等精進勇猛植眾德本所為

無量捨身受身恒生福地念三途

苦發菩提心行菩薩道不休不息

六度四等常得現前三明六通如

意自在出入遊戲諸佛境界等與

菩薩俱成正覺

今日道場同業大眾起怖畏心起

慈悲心一心一意攝耳諦聽令時

世尊放眉間白毫相光遍照六道

一切眾生時信相菩薩為慈念諸

眾生故即從座起前至佛所胡跪

合掌白佛言世尊今有眾生為諸

獄卒剉確斬身從足斬之乃至其

頂斬之已訖巧風吹活還復斬之

受此苦報無有休息何罪所致佛

言是諸眾生以前世時不信三尊

不知供養不孝父母興惡逆心屠

兒魁膾斬害眾生以是因緣故獲

斯罪

復有眾生身體頑痹眉鬚墮落舉

身洪爛烏棲鹿宿人跡斷絕親族

弃捨人不喜見如是惡報名之癩

病以何因緣故得此罪佛言以前

世時不信三尊不孝父母破壞壞

寺剽奪道人斫射聖賢傷害師長

嘗無反覆背恩忘義常行狗犬玷

污所尊不避親疎無有慙愧以是

因緣故獲斯罪

復有眾生身體長大鬣駮無足死

轉腹行唯食泥土以自活命為諸

小巫之所嗜食晝夜受苦無有休

息何罪所致佛言以前世時為人

自用不信好言不孝父母違戾反

逆或為地主及作大臣四鎮方伯

州郡令長里禁督護恃其威勢侵

奪民物無有道埋使民窮苦以是

因緣故獲斯罪

復有眾生兩目失明都無所見或

柢樹木或墮溝坑於是死已更復

受身既得生已還復如何罪所

致佛言以前世時不信罪福障佛

光明縫闇他眼龍閉眾生皮囊盛

頭不得所見以是因緣故獲斯罪

今日道場同業大眾如經所說大

可怖畏我等亦可已作是罪無明

所覆不自憶知如是等罪無量無

邊於未來世方受苦報今日至心

等一痛切五體投地稽顙求哀慙

愧改悔已作之罪因懺除滅未作

之罪從今清淨仰願十方一切諸佛

南無彌勒佛 南無釋迦牟尼佛

南無開光明佛 南無月燈光佛

南無月光佛 南無日月光明佛

南無火光明佛 南無集音佛

南無取威儀佛 南無光明尊佛

南無蓮華軍佛 南無蓮華響佛

南無多寶佛 南無師子吼佛

南無師子音佛 南無精進軍佛

南無金剛踊躍佛 南無度切禪絕眾齋

南無寶大侍從佛 南無無憂憂佛

南無地力持勇佛 南無最踊躍佛

南無師子作菩薩 南無華陰蓋菩薩

南無寂根菩薩 南無常不離世菩薩

南無無邊身菩薩 南無觀世音菩薩

南無佛陀 南無達摩

南無僧伽

大慈大悲救護拯接令諸眾生即

得解脫為諸眾生滅除地獄餓鬼

畜生等業今諸眾生畢竟不復受

諸惡報今諸眾生捨三途苦悉到

智地今得安隱究竟樂處以大光

明滅諸癡闇廣為分別甚深妙法

使得具足無上菩提成等正覺

今日道場同業大眾重復至誠一心

諦聽信相菩薩白佛言世尊復有

眾生嘗吃瘡瘻口不能言若有所

說不能明了何罪所致佛言以前

世時誹謗三尊輕毀聖道論他好

惡求人長短強誣良善憎嫉賢人

以是因緣故獲斯罪

復有眾生腹大頸細不能下食若

有所食變為膿血何罪所致佛言

以前世時偷盜眾食或為大會施

設銷鑊私取麻米屑食之慳惜

已物但貪他有常行惡心與人毒

藥氣息不通故獲斯罪

復有眾生常為獄卒之所燒炙熟

鐵灌身鐵釘釘之釘之既訖自然

火起焚燒其身悉皆焦爛何罪所

致佛言以前世時坐為針師傷人

身體不能差病誑他取物令他痛

苦故獲斯罪

復有眾生常在鑊中牛頭阿旁手

捉鐵叉又善鑊中煮之今爛還即

吹活而復煮之何罪所致佛言以

前世時屠殺眾生湯灌城毛不可

限量以是惡業故獲斯罪

今日道場同業大眾如經所說大

可怖畏我等不知在何道中已作

如是無量惡業於未來世方嬰劇

報亦可即身應見此苦嘗吃瘡瘻

口不能言或復大腹小頸不能下

食人生何定今日雖安明亦難保

果報一來不可得脫宜各人人覺

悟此意直心正念莫復餘想等一

痛切五體投地普為今日四生六道一切眾生已受苦者未受苦者歸依世間大慈悲父

南無彌勒佛 南無釋迦牟尼佛

南無自在王佛 南無無量音佛

南無定光明佛 南無寶光明佛

南無寶蓋照空佛 南無妙寶佛

南無諦幢佛 南無梵幢佛

南無阿彌陀佛 南無殊勝佛

南無集音佛 南無金剛步精進佛

南無自在三神通佛 南無寶火佛

南無淨月幢釋光明佛 南無妙樂佛

南無無量幢幡佛 南無無量幢佛

南無大光普徧佛 南無寶幢佛

南無慧上菩薩 南無常不離世菩薩

南無無邊身菩薩 南無觀世音菩薩

南無佛陀 南無達摩

南無僧伽

又復歸依如是十方盡虛空界

切三寶

仰願諸佛諸大菩薩大慈大悲救護一切受苦眾生以神通力滅除惡業令諸眾生畢竟不復墮於苦處得清淨趣得清淨生功德滿足不可窮盡捨身受身恒值諸佛同詣菩薩俱登正覺

今日道場同業大眾重加心力攝耳諦聽信相菩薩白佛言世尊復有眾生在火城中燬煨齊心四門雖開到則自閉東西馳走不能得出為火燒盡何罪所致佛言以前世時焚燒山澤浹撒破池火炮鷄子使諸眾生於煨而死以是因緣故獲斯罪

復有眾生常在雪山寒風所吹皮肉剝裂求死不得求生不得苦毒萬端不可堪忍何罪所致佛言以前世時橫道作賊剝奪人衣以自資養多月隆寒裸他凍死皮剝牛羊苦痛難忍以是因緣故獲斯罪

復有眾生常在刀山劍樹之上若有所捉即便割傷支節斷壞痛毒辛酸不可堪忍何罪所致佛言以前世時屠殺為業害眾生唇割剝裂骨肉分離頭脚呈散懸於高格稱量而賣或復生懸痛不可忍以是惡業故獲斯罪

復有眾生五根不具何罪所致佛言以前世時飛鷹走狗彈射鳥獸或破其頭或斷其足生城其翼使受痛苦以是惡業故獲斯罪

今日道場同業大眾如經所說大可怖畏相與至心等一痛切五體投地普為十方一切眾生已受苦者當受苦者歸依世間大慈悲父
南無彌勒佛 南無釋迦牟尼佛
南無淨光佛 南無寶王佛
南無樹根華王佛 南無維衛莊嚴佛
南無開化菩薩佛 南無見無惡懼佛
南無一乘度佛 南無德尊嚴王佛

有眾生癡臂背佻腰寬不隨脚踏
 手折不能行步何罪所致佛言以
 前世時為人慳剋行道安槍或施
 射戈陷墜眾生以是惡業故獲斯罪
 復有眾生為諸獄卒繫繫其身如
 拮苦厄不能得免何罪所致佛言
 以前世時網捕眾生籠繫六畜或
 為宰主令長貪取民物枉繫良善
 冤訴無所以是惡業故獲斯罪
 復有眾生或顛或癡或狂或駭不
 別好醜何罪所致佛言以前世時
 飲酒醉亂犯三十六失後得癡身
 猶如醉人不別尊卑以是惡業故
 獲斯罪
 復有眾生其形短小陰藏甚大挽
 之身疲皆復進引行步坐卧以之
 為妨何罪所致佛言以前世時持
 生販賣自譽已物毀他財實巧弄
 斗十躡秤前後以是惡業故獲斯罪
 今日道場同業大眾如佛所說大

可怖畏相與至心等一痛切五體
 投地為今日現受苦一切眾生當
 受苦一切眾生乃至六道現受當
 受一切眾生又奉為父母師長信
 施檀越善惡知識廣及十方一切眾
 生歸依世間大慈悲父
 南無彌勒佛 南無釋迦牟尼佛
 南無數精進菩薩佛 南無無言勝佛
 南無無畏豐佛 南無月英豐佛
 南無無異光豐佛 南無逆空光明佛
 南無取清淨無量幡佛
 南無好諦住唯王佛
 南無成就一切諸刹豐佛
 南無淨慧德豐佛 南無淨輪幡佛
 南無殊離光最豐佛 南無實德步佛
 南無寂清淨德豐佛 南無度寶光明塔佛
 南無無量慙愧金最豐佛
 南無文殊師利菩薩 南無普賢菩薩
 南無無邊身菩薩 南無觀世音菩薩
 又復歸依如是十方盡虛空界一

三寶
 甲等今日承佛力法力諸菩薩力
 為其稽顙求哀懺悔若已受苦者
 以佛菩薩大慈悲力令即解脫未
 受苦者從今日去至于道場畢竟
 不復墮於惡趣離八難苦受八福
 生得諸善根成就平等具足智慧
 清淨自在同與如來俱登正覺
 今日道場同業大眾宜加用心攝
 耳諦聽信相菩薩復白佛言世尊
 復有眾生其形極醜身黑如漆兩
 耳復青高頰俱阜飽面平鼻兩眼
 黃赤牙齒疎缺口氣腥臭短短擁
 腫大腹小背脚復瘰戾佻脊凸肋
 費衣健食惡瘡膿血水腫乾消疥
 癩癩疽種種諸惡集在其身雖親
 附人人不在意若他作罪橫羅其
 殃永不見佛永不聞法不識菩薩
 賢聖從苦入苦不得休息何罪所
 致佛言以前世時為子不孝父母

為臣不忠其君為上不敬其下為
下不恭其上朋友不賞其信鄉黨
不以其道心意顛倒無有其度殺害
君臣輕凌尊長罰國掠民攻城破
塢偷劫盜竊惡業非一美已惡人
侵凌孤老誣謗賢善輕慢師長欺
誑下賤一切罪業悉具犯之眾罪
業故故獲斯罪

今時一切諸受罪人聞佛世尊作
如是說號泣動地淚下如雨而白
佛言唯願世尊久住說法化我等
輩今得解脫佛言若我久住此世
薄福之人不種善根謂我常在不
念無常善男子譬如嬰兒母常在
側於母不生難遭之想若母去時
便生渴仰思戀之心母方還來悉
乃生喜善男子我今亦復如是知
諸眾生善惡業緣受報好醜故般
涅槃于時世尊即於受罪眾生而

說偈言

水流不常滿 火猛不久然
日出須臾沒 月滿已復虧
尊榮豪貴者 無常復過是
念當勤精進 頂禮無上尊
今時世尊說此偈已諸受罪人銜
悲白佛言世尊一切眾生作何善
行得離斯苦佛言善男子當勤孝
養父母敬事師長歸奉三尊勤行
布施持戒忍辱精進禪定智慧慈
悲喜捨怨親平等無有二相不欺
孤老不輕下賤護人猶己不起惡
念汝等若能如是修行則為已得
報佛之恩永離三途無復眾苦佛
說是經已菩薩摩訶薩即得阿耨
多羅三藐三菩提聲聞緣覺即得
六通三明具八解脫其餘大眾皆
得法眼淨若有眾生得聞是經不
墮三途八難之處地獄休息苦痛
安寧信相菩薩白佛言世尊當何

名斯經菩薩摩訶薩云何奉持佛
告信相菩薩善男子此經名為罪
業報應教化地獄經當奉持之廣
今流布功德無量時諸大眾聞說
此法一心歡喜頂戴奉行

今日道場同業大眾如佛所說大
可怖畏相與今日起怖畏心起慈
悲心承諸佛力行菩薩道念地獄
苦發菩提心當為今日現受地獄
道苦一切眾生現受餓鬼道苦一
切眾生現受畜生道苦一切眾生
乃至六道現受苦者一心一意為
其禮懺令此眾生悉得解脫我等
若不勤行方便轉禍為福者則於
二地獄皆有罪分相與至心當念
父母師長親戚眷屬未來應受苦
報亦念自身未來現在方嬰此苦
等一痛切五體投地至誠懇惻至
到用心願令一念感十方佛一拜
斷除無量眾苦若六道中已受苦

者以佛力法力賢聖力令此眾生
即蒙解脫若六道中未受苦者以
佛力法力諸賢聖力令此眾生永
得斷除從今日去畢竟不復墮於
惡趣除三障業隨念往生滅五怖
畏自在解脫勤修道業不休不息
妙行莊嚴過法雲地入金剛心成
等正覺

今日道場同業大眾重復用心攝
耳諦聽善思念之雜藏經說時有
一鬼白目連言我兩肩有眼眉有
口鼻而無有頭何罪所致目連答
言汝前世時恒作魁膾弟子若殺
人時汝常歡喜以繩結挽以是因
緣故受此罪此是華報果在地獄
復有一鬼白目連言我此身形常
如塊肉無有手足眼耳鼻等恒爲
虫鳥之所食噉如是苦痛難堪難
忍何罪所致目連答言汝前世時
常與他藥令諸眾生命不全活以

是因緣故獲斯罪此是華報果在
地獄

復有一鬼白目連言我腹極大咽
喉如針窮年卒歲不得飲食何罪
所致目連答言汝前世時作聚落
主自恃豪貴飲酒縱橫輕欺他人
奪其飲食飢困一切以是因緣故
獲斯罪此是華報果在地獄

復有一鬼白目連言我一生來有
二熱鐵輪在兩腋下舉身焦爛何
罪所致目連答言汝前世時與衆
作餅盜取二番挾兩腋下以是因
緣故獲斯罪此是華報果在地獄
復有一鬼白目連言我常以物自
懷籠頭畏人來敵心常怖懼何罪
所致目連答言汝前世時姪犯外
色常畏人見或畏夫主捉縛打殺
常懷恐怖故受此罪此是華報果
在地獄
今日道場同業大眾如經所說廿七豈

得不入人生大怖畏相與無始已

來至于今日已應作如是無量罪

惡如是等罪皆因無明無慈悲心

以強楚弱傷害眾生作如是罪乃

至盜竊他物迷惑失道譏謗賢善

作種種罪如是罪報於惡道中必

受其苦今日至心等一痛切五體

投地普爲六道已受苦者未受苦

者求哀禮懺奉爲父母師長一切

眷屬求哀禮懺亦爲自身求哀禮

懺已作之罪願乞除滅未作之罪

不敢復作唯願世間大慈悲父

南無彌勒佛 南無釋迦牟尼佛

南無蓮華尊佛 南無淨寶與寶佛

南無電燈幢王佛 南無法空燈佛

南無一切眾德成佛 南無賢幢幢王佛

南無一切寶緻色持佛

南無斷疑拔欲除冥佛

南無意無恐懼威毛不豎佛

南無師子佛 南無名稱遠聞佛

南無法名号佛 南無奉法佛

南無法幢佛

南無大勢至菩薩

南無常精進菩薩

南無不休息菩薩

南無虛空藏菩薩

南無無邊身菩薩

南無觀世音菩薩

以大慈大悲救護六道現受苦當
受苦一切眾生令此眾生即得解
脫以神通力斷除惡道及地獄業
令諸眾生從今日去至于道場畢
竟不復墮於惡趣捨苦報身得金
剛身四等六度常得現前四辨六
通如意自在勇猛精進不休不息
乃至進修滿十地行還復度脫一
切眾生

慈悲道場懺法卷第三

慈悲道場懺法卷第四
顯果報之餘

今日道場同業大眾重加至誠一心
諦聽佛在王舍城迦蘭陀竹園介
時目連從禪定起遊恒水邊見諸
餓鬼受罪不同時諸餓鬼各起敬
心來問目連往昔因緣一鬼問言
我一生來恒抱飢渴欲至廁上取
糞噉之廁上大力鬼以杖打我初
不得近何罪所致目連荅言汝為
人時作佛畚主有客比丘來寺乞
食而汝慳惜不與客食待客去後
乃行舊住緣汝無道慳惜眾物以
是因緣故獲斯罪汝今華報果在
地獄

眾事有一瓶酥藏著屏處不依時
行待客去後乃行舊住酥是招提
之物一切有分緣汝無道慳惜眾
物以是因緣故獲斯罪汝今華報
果在地獄

復有一鬼問目連言我一生來常
吞熱鐵丸何罪所致目連荅言汝
為人時作沙弥子取清淨水作石
蜜漿石蜜堅大汝起盜心打取少
許大眾未飲汝盜一口以是因緣故
獲斯罪此是華報果在地獄
今日道場同業大眾如目連所見
大可怖畏我等亦可經作此罪無
明所覆不自憶知既有如是無量
罪業於未來世受苦報者今日至
心等一痛切五體投地慙愧懺悔
願乞除滅又復普為十方盡虛空
界一切餓鬼求哀懺悔又奉為父
母師長求哀懺悔又為同壇尊證
上中下座求哀懺悔又為善惡知

識廣及十方無窮無盡四生六道
一切眾生求哀懺悔若已作之罪
因今除滅未作之罪不敢復造仰
願十方一切諸佛

南無彌勒佛 南無釋迦牟尼佛
南無拘樓孫佛 南無拘那含牟尼佛
南無迦葉佛 南無師子佛
南無明皝佛 南無牟尼佛
南無妙華佛 南無華氏佛
南無善宿佛 南無導師佛
南無大解佛 南無大力佛
南無宿王佛 南無修藥佛
南無名相佛 南無大明佛
南無炎肩佛 南無照曜佛
南無日藏佛 南無月氏佛
南無眾炎佛 南無善明佛
南無無憂佛
南無師子遊戲菩薩 南無師子奮迅菩薩
南無無邊身菩薩 南無觀世音菩薩
南無佛。陀 南無達摩

南無僧伽

大慈大悲救拔十方現受餓鬼道
苦一切眾生又願救拔十方地獄
道畜生道人道一切眾生無量眾
苦今諸眾生即得解脫斷三障業
無五怖畏八解洗心四弘被物面
奉慈顏諮承妙教不起本處諸漏
永盡隨念俯應遍諸佛土願行早
圓速成正覺 拜

今日道場同業大眾重復至誠一心
諦聽今時佛在王舍城東南有
一池水屎尿污穢盡入其中臭不
可近有一大豆生此水中身長數
丈無有手足宛轉反昂觀者數千
阿難往見具以啓佛佛與大眾共
詣池所大眾念言今日如來當為
眾會說垂本末佛告大眾維衛佛
泥洹後時有塔寺有五百比丘經
過寺中寺主歡喜請留供養盡心
供饌無有遺惜後有五百商人入

海采寶還過塔寺見五百比丘精

勤行道並各發心欣然共議福田
難遇當設薄供人捨一珠得五百
摩尼珠以寄寺主寺主後時生不
善心豈欲獨取不為設供大眾問
言賈客施珠應當設供寺主答言
是珠施我若欲奪珠糞可與汝若
不時去割汝手足投之糞坑眾念
其癡默然各去緣是罪惡受此重
身後入地獄又受眾苦

佛在王舍城又見一眾生其舌長
大鐵釘釘舌熾然火起終日竟夜
備受楚痛目連問佛此何罪報今
受此苦佛答目連此人昔時經作
寺主呵罵驅遣諸客比丘不與飲
食不同供養以是因緣故獲斯罪
又有眾生身體長大頭上有鐵熾
然火燒滿中焯銅從四面出灌其
身上乘虛而行無有休息目連問
佛此何等罪今受此苦佛答目連

此人昔時作寺知事擅越送油不以分與諸客比丘待客去後乃分舊住以是因緣故獲斯罪

又一衆生熾然鐵丸從身上入從身下出乘虛而行苦痛難忍目連問佛此何等罪今受此苦佛答目連此人往昔作沙弥子盜衆園中果子七枚死入地獄受無量苦餘業未盡故獲斯罪

又見大魚一身百頭頭頭各異墮他網中世尊見已入慈三昧乃喚此魚魚即時應世尊問言汝母何在答言母在廁中作垂佛語諸比丘此大魚者迦葉佛時作三藏比丘以惡口故受多頭報其母亦時受其利養以是因緣作廁中垂佛言得此報者皆由衆生惡口魚強宣傳彼此鬪亂兩家死入地獄獄卒燒熱鐵銀表裏洞赤以烙其舌復燒鐵鈎鈎有三刃利如鋒銳以

斷其舌復以牛犂耕破其舌復燒鐵杵刺其咽中數千萬劫罪畢乃出生鳥獸中佛言若有衆生論說君主父母師長其罪過是

今日道場同業大眾聞佛此言大可怖畏今善惡二途皎然可見罪福果報諦了無疑唯應努力勤行懺悔相與披經具見此事若不努力小復懈怠我今所作何由得辦譬如歉乏之人心注百味於其飢惱終無濟益故欲求勝妙法欲度脫衆生者不可止在於心既在心事宜自努力勤而行之相與至心等一痛切五體投地爲地獄道餓鬼道畜生道人道一切衆生求哀禮懺又爲父母師長善惡知識并及自身一切眷屬求哀禮懺若已作之罪願乞除滅未作之罪不敢復作仰願世間大慈悲父南無彌勒佛南無釋迦牟尼佛

- 南無提沙佛 南無明曜佛
 - 南無持鬘佛 南無功德明佛
 - 南無示義佛 南無燈曜佛
 - 南無興盛佛 南無藥師佛
 - 南無善濡佛 南無白毫佛
 - 南無堅固佛 南無福德佛
 - 南無不可壞佛 南無德相佛
 - 南無羅睺佛 南無衆主佛
 - 南無梵聲佛 南無堅際佛
 - 南無不高佛 南無作明佛
 - 南無大山佛 南無金剛佛
 - 南無將衆佛 南無無畏佛
 - 南無珠寶佛
 - 南無師子幡菩薩 南無師子作菩薩
 - 南無無邊身菩薩 南無觀世音菩薩
- 以慈悲力大智慧力不思議力無量自在力度脫六道一切衆生滅除六道一切衆苦令諸衆生皆得斷除三途罪業畢竟不復造五逆十惡更墮三途從今日去捨苦報

生得淨土生捨苦報命得智慧命
捨苦報身得金剛身捨惡趣苦得
涅槃樂念惡趣苦發菩提心四等
六度常得現前四辯六通如意自
在勇猛精進不休乃至進修
滿十地行復能度脫一切衆生一拜
出地獄第二向已具述因緣果報以善不善
因在惡道故復相續地獄門
今日道場同業大眾雖復萬法差
品功用不一至於明闇相形唯善
與惡語善則人天勝果迷惡則三
途劇報二事列世皎然非虛而愚
惑之者多起疑異或言人天是妄
造地獄非真說不知推因驗果不
知驗果尋因既因果不分各執世
解非但言空談有乃亦題篇造論
心乖勝善未曾云謬設使示誨執
固益堅如是等人自投惡道如射
箭頃墮在地獄慈親孝子不能相
救唯得前行入於火鑊身心摧碎
精神痛苦當此之時悔復何及

今日道場同業大眾善惡相資猶
如影響罪福異處宿預嚴持幸冬
明信無措疑心何謂地獄經言三
千六千世界鐵圍兩山黑闇之間
謂之地獄鐵城縱廣一千六百萬
里城中八萬四千南下以鐵爲地
上以鐵爲網火燒此城表裏洞赤
上火徹下下火徹上其名別有衆
合黑闇刀輪劔林鐵機荆林鐵網
鐵窟鐵丸尖石炭坑燒林虎狼別
喚鑊湯爐炭刃山劔樹火磨火城
銅柱鐵牀火車火輪飲銅吐火大
熱大寒拔舌釘身犁耕斧斫刀兵
層裂灰河沸屎尿寒冰淤泥愚癡啼
哭聾盲瘡癩鐵鈎鐵雉復有大小
泥犁阿鼻地獄佛告阿難云何名
阿鼻地獄阿者言無鼻者言遮阿
者言無鼻者言救合言無遮無救
又阿者言無聞鼻者言無動阿言
極熱鼻言極惱阿言不聞鼻言不

住不聞不住名阿鼻地獄又阿言
大皎鼻言猛熱猛火入心名阿鼻
地獄佛告阿難阿鼻地獄縱廣正
等三十二萬里七重鐵城七層鐵
網下十八萬周而七重皆有刀林
七重城內復有劔林下十八萬萬
八萬四千重於其四角有四大銅
狗其身長大萬六千里眼如擊電
牙如劔樹齒如刀山舌如鐵刺一切
身毛皆出猛火其煙臭惡世間臭
物無以爲譬又有十八獄卒頭如
羅剎頭口如夜叉口六十四眼眼
迸鐵丸如十里車鈎牙上出高百
六十里牙頭火流燒前鐵車令鐵
車輪一一輪輞化爲一億火刀鋒刃
劔戟皆從火炎中出如是流火燒
阿鼻城令阿鼻城赤如融銅獄卒
頭上有八牛頭二牛頭有十八角
一二角頭皆出火聚火聚復化成十
八火輞火輞復變作大刀輪如車

輪許輪輪相次在火炎間滿阿鼻
獄銅狗張口吐舌在地舌如鐵判
舌出之時化無量舌滿阿鼻城七
重城內有七鐵幢幢頭火涌如沸
涌泉其鐵流迸滿阿鼻城阿鼻四
門於門間上有十八釜沸銅涌出
從門漫流滿阿鼻城二萬間有八
萬四千鐵蟒大蛇吐毒吐火身滿
城內其地哮吼如天震雷雨大鐵
九滿阿鼻城城中苦事八萬億千
苦中苦者集在此城又有五百億
重垂八萬四千鴉鴉頭火流如雨
而下滿阿鼻城此垂下時阿鼻猛
火其炎大熾赤光火炎照三百三
十六萬里從阿鼻地獄上衝大海
沃焦山下大海水滲如車軸許成
大鐵尖滿阿鼻城

上一切火炎化為玉女罪人遙見
心生歡喜我欲往中我欲往中風
刀解身寒急失聲寧得好火在車
上坐然火自爆炸是念已即便命
終揮霍之間已坐金車顧瞻玉女
皆捉鐵斧斬截其身身下火起如
旋火輪辟如壯士屈伸辟頃直墮
阿鼻大地獄中從於上萬如旋火
輪至下萬際身遍萬內銅狗大吼
齧骨嗜髓獄卒羅刹捉大鐵叉又
頭今起遍體火炎滿阿鼻城鐵網
兩刀從毛孔入化閻羅王大聲告
勸癡人獄種汝在世時不孝父母
邪慢無道汝今生處名阿鼻地獄
汝不知思無有慙愧受此苦惱為
樂不耶作是語已即滅不現今時
獄卒復驅罪人從於下萬乃至上
萬經歷八萬四千萬中律身而過
至鐵網際一日一夜余乃周遍阿鼻
地獄一日一夜此間浮提日月歲數

六十小劫如是壽命盡一大劫五
逆罪人無慙無愧造作五逆五逆
罪故臨命終時十八風刀如鐵火
車解截其身以熱逼故便作是言
得好色華清涼大樹於下遊戲不
亦樂乎作此念時阿鼻地獄八萬
四千諸惡劍林化作寶樹華果茂
盛行列在前大熱火炎化為蓮華
在彼樹下罪人見已我所願者今
已得果作是語時疾於暴雨坐蓮
華上坐已須臾鐵鬚諸重從火華
起穿骨入髓徹心穿腦擊樹而上
一切劍枝削肉徹骨無量刀林當
上而下火車爐炭十八苦事一時
來迎此相現時墮墜地下從下萬
上身如華敷遍滿下萬從下萬起
火炎猛熾至於上萬至上萬已身
滿其中熱惱急故張眼吐舌此人
罪故萬億鎔銅百千刀輪從空中
下頭入足出一切苦事過於上說

百千萬倍具五逆者其人受罪足滿五劫復有衆生破佛禁戒虛食信施誹謗邪見不識因果斷學般若毀十方佛偷佛法物起諸穢汚不清淨行不知慙愧毀辱所親造衆惡事此人罪報臨命終時風刀解身偃卧不定如被楚撻其心荒越發狂癡想見已室宅男女大小一切皆是不淨之物屎尿臭處盈流于外介時罪人即作是語云何此處無好城郭及好山林使吾遊戲乃處如此不淨物間作是語已獄卒羅刹以大鐵叉擎阿鼻獄及諸刀林化作寶樹及清涼池火炎化作金葉蓮華諸鐵喙虫化為鳧鴈地獄痛聲如詠歌音罪人間已如此好處吾當遊中念已尋時坐火蓮華諸鐵喙虫從身毛孔啗食其軀百千鐵輪從頂上入恒沙鐵叉挑其眼睛地獄銅狗化作百億鐵

狗競分其身取心而食俄介之間身如鐵華滿十八萬一華葉八萬四千一葉頭身手足節在一萬間地獄不大此身不小遍滿如此大地獄中此等罪人墮此地獄經歷八萬四千大劫此泥犁滅復入東方十八萬中如則受苦此阿鼻獄南亦十八萬西亦十八萬北亦十八萬誘方等經具五逆罪破壞賢聖斷諸善根如此罪人具衆罪者身滿阿鼻獄四支復滿十八萬中此阿鼻獄但燒如此獄種衆生劫欲盡時東門即開見東門外清泉流水華果林樹一切俱現是諸罪人從下萬見眼火暫歇從下萬起宛轉腹行肆身上走到上萬中手攀刀輪時虛空中雨熱鐵丸走趣東門既至門闢獄卒羅刹手捉鐵叉逆刺其眼銅狗齧心悶絕而死死已復生見南門開如前不異如是

西門北門亦皆如此如此時間經歷半劫阿鼻獄死復生寒冰獄中冥冰獄死生黑闇處八千萬歲目無所見受大垂身宛轉腹行諸情闇塞無所解知百千狐狼牽掣食之命終之後生畜生中五千萬身受鳥獸形如是罪畢還生人中瞽盲瘖瘂疥癩癰疽貧窮下賤一切諸表以自莊嚴受此賤形經五百身後復還生餓鬼道中餓鬼道中遇善知識諸大菩薩呵責其言汝於前身無量世時作無限罪誹謗不信墮阿鼻獄受諸苦惱不可具說汝今應當發慈悲心時諸餓鬼聞是語已稱南無佛稱佛恩力尋即命殄生四天處生彼天已悔過自責發菩提心諸佛心光不捨是等攝受是輩慈哀是等如羅睺羅教避地獄如愛眼目佛告大王欲知佛心光明所照常照如此無間

無救諸苦衆生佛心所緣常緣此
 等極惡衆生以佛心力自莊嚴故
 過算數劫令彼惡人發菩提心
 今日道場同業大衆聞佛世尊說
 上諸苦宜加攝心莫生放逸相與
 若復不勤方便行菩薩道則於二
 地獄皆有罪分今日同為現受阿
 鼻地獄等苦一切衆生當受阿鼻
 地獄等苦一切衆生廣及十方一切
 地獄現受當受無窮無盡一切衆
 生等一痛切五體投地歸依世間
 大慈悲父

南無 彌勒佛 南無 七 佛
 南無 十方十佛 南無 三十五佛
 南無 五十三佛 南無 百七十佛
 南無 莊嚴劫千佛 南無 賢劫千佛
 南無 星宿劫千佛
 南無 十善薩摩訶薩 南無 十二菩薩
 南無 無邊身菩薩 南無 觀世音菩薩
 又復歸依十方盡虛空界無量形

像優填王金像旃檀像阿育王銅
 像吳中石像師子國王像諸國土
 中金像銀像瑠璃像珊瑚像琥珀
 像碑礪像瑪瑙像真珠像摩尼寶
 像紫磨上色閻浮檀金像
 又復歸命十方如來一切髮塔一切
 齒塔一切牙塔一切爪塔一切頂上
 骨塔一切身中諸舍利塔袈裟塔
 匙鉢塔澡瓶塔錫杖塔如是等為
 佛事者
 又復歸命諸佛生處塔得道塔轉
 法輪塔般涅槃塔多寶佛塔阿
 育王所造八萬四千塔天上塔
 人間塔龍王宮中一切寶塔又復
 歸依十方盡虛空界一切諸佛
 歸依十方盡虛空界一切尊法
 歸依十方盡虛空界一切賢聖
 仰願同以慈悲力安慰衆生力無
 量自在力無量大神通力攝受今
 日道場同為阿鼻大地獄受苦一

切衆生懺悔乃至十方不可說一
 切地獄衆生懺悔及父母師長一
 切眷屬今日懺悔以大悲水洗除
 今日現受阿鼻地獄等及餘地獄
 等苦一切衆生罪垢令得清淨洗除
 今日道場同懺悔者及其父母師
 長一切眷屬罪垢令得清淨又洗
 除六道一切衆生罪垢令至道場
 畢竟清淨從今日去至于道場皆
 得斷除阿鼻地獄苦及下方盡虛
 空界不可說不可說諸地獄苦畢
 竟不復入於三途畢竟不復墮於
 地獄畢竟不復為十惡業造五逆
 罪受諸苦惱一切衆生願盡消滅
 捨地獄生得淨上生捨地獄命得
 智慧命捨地獄身得金剛身捨地
 獄苦得涅槃樂念地獄苦發菩提
 心四等六度常得現前四辯六通
 如意自在具足智慧行菩薩道勇
 猛精進不休不息乃至進修滿十

地行入金剛心成等正覺還度十方一切衆生

今日道場同業大眾諸餘地獄雜受苦報不復可記如是名号楚毒無量相與披覽具見其事經云閻羅王一念之惡便摠獄事自身受苦亦不可論閻羅大王昔爲毗沙國王與維陀始王共戰兵力不如因立誓願願我後生爲地獄主治此罪人十八大日及百萬衆皆悉同願毗沙王者今閻羅王是十八大臣今十八獄王是百萬之衆今牛頭阿旁等是而此官屬悉隸北於毗沙門天王長阿舍經云閻羅大王所住之處在閻浮提南金剛山內王宮縱廣六千由旬地獄經云住地獄開宮城縱廣三萬里鋼鐵所成晝夜三時有大銅鑊滿中烱銅自然在前有大獄卒卧王熱鐵牀上鐵鈎擊口烱銅灌之從咽

徹下無不焦爛彼諸大臣亦復如是十八獄王一日迦延典泥犁獄二号屈尊典刀山獄三名沸毒典沸沙獄四名沸曲典沸屎獄五名迦世典黑耳獄六名噬嗑典火車獄七名湯謂典鑊湯獄八名鐵迦然典鐵牀獄九名惡生典嵒山獄十名呻吟典寒冰獄十一毗迦典剥皮獄十二遙頭典畜生獄十三提薄典刀兵獄十四夷大典鐵磨獄十五悅頭典寒冰獄十六名骨典鐵算獄十七名身典蛆虫獄十八觀身典烱銅獄如是各有無量地獄以爲眷屬獄有一主牛頭阿旁其性兇虐無一慈忍見諸衆生受此惡報唯更不苦唯恐不毒或問獄卒衆生受苦甚可悲念而汝常懷酷毒無慈愍心獄卒答言如此罪惡諸受苦者不孝父母謗佛謗法謗諸賢聖罵辱六親輕慢師長毀

陷一切惡口兩舌詭曲嫉妬離他骨肉瞋恚殺害貪欲欺詐邪命邪求及以邪見懈怠放逸造諸怨結如是等人來此受苦每至免脫之日恒加勸諭此中劇苦非可忍耐汝今得出勿復更造而此罪人初無改悔今日得出俄頃復還展轉輪迴不知痛苦令我筋力疲此衆生從劫至劫與其相對以是事故我於罪人無片慈心故加楚毒望其知苦知慙知耻不復更還觀此衆生乃可至苦終不肯避決不修善往趣泥洹既是無知之物不知避苦求樂所以痛劇倍於人間何容於此而生慈忍今日道場同業大眾今以世間牢獄比校便可立知信非虛唱若使有人三淪獄戶雖是親族周旋已無惻愴况牛頭阿旁見此衆生得出復入嬰苦事長得免暫有唯應修心變其所習

若不改悔永沉苦處墮在其中次第經歷從苦入苦無有休息故三世怨對因果相生善惡二環未曾暫輟報應之徵皎然可見為惡得苦還以報之在地獄中窮年極劫具受劇苦地獄罪畢復墮畜生畜生罪畢復生餓鬼如是經歷無量生死無量苦痛豈不人人及時行道相與今日等一痛切五體投地普為十方地獄道獄王大臣牛頭阿旁各及眷屬餓鬼道餓鬼神等各及眷屬畜生道畜生神等各及眷屬廣及十方無窮無盡一切眾生求哀懺悔改往修來不復為惡已作之罪願乞除滅未作之罪不敢復造唯願十方一切諸佛以不思議自在神力同加救護哀懇攝受今諸眾生應時解脫又願世間大慈悲父

南無彌勒佛 南無釋迦牟尼佛

南無華日佛	南無軍力佛
南無華光佛	南無仁愛佛
南無大威德佛	南無梵王佛
南無量明佛	南無龍德佛
南無堅步佛	南無不虛見佛
南無精進德佛	南無善守佛
南無歡喜佛	南無不退佛
南無師子相佛	南無勝知佛
南無法氏佛	南無喜王佛
南無妙御佛	南無愛作佛
南無德解佛	南無香象佛
南無觀視佛	南無雲音佛
南無善思佛	
南無師子幡菩薩	南無師子作菩薩
南無無邊身菩薩	南無觀世音菩薩

以自在神力救拔地獄道獄王大臣及諸地獄眷屬十八萬子地獄如是十八萬子地獄各有眷屬等獄盡地獄道一切地獄牛頭阿旁及受苦一切眾生今此眾生今日

俱得解脫罪因苦果同得消滅從今日去畢竟永斷地獄道業畢竟不復墮於三途捨地獄生得淨土生捨地獄命得智慧命捨地獄身得金剛身捨地獄苦得涅槃樂捨地獄苦發菩提心四等六度常得現前四辯六通如意自在勇猛精進不休不息乃至進修滿十地行還度無邊一切眾生入金剛心成等正覺一經

慈悲道場懺法卷第四

慈悲道場懺法卷第五

解怨釋結第三

今日道場同業大眾一切眾生皆有怨對何以知之若無怨對則無惡道今惡道不休三途長沸是知怨對無有窮已經言一切眾生悉皆有心有心者皆得作佛而諸眾生心想顛倒長寢生死不能覺悟貪著世間不知出要建立苦本長養怨根所以輪迴三有往來六道捨身受身無暫停息何以故余一切眾生無始已來闇識相傳無明所覆憂水所溺起三毒根起四顛倒從三毒根起十煩惱依於身見起於五見依於五見起六十二見依身口意起十惡行身故盜姪口妄言綺語兩舌惡罵意貪瞋癡自行十惡教他行十惡讚歎十惡法讚歎行十惡法者如是依身口意

起四十種惡復依六情貪著六塵乃至廣開八萬四千塵勞之門一念之間起六十二見一念之項行四十種惡一念之間開八萬四千塵勞之門況復一日所起眾罪一月一年終身歷劫所起眾罪如是罪惡無量無邊怨對相尋無有窮已而諸眾生與愚癡俱無明覆慧煩惱覆心不自覺知心想顛倒不信經說不依佛語不知解怨不望解脫怨怨相報何時解脫自投惡道如蛾赴火歷劫長夜受無量苦假使業極有終得還人道如是惡人終不改革是以眾聖起大慈悲正為如是怨對眾生我等相與發菩提心行菩薩道菩薩摩訶薩救苦為資糧解怨為要行不捨眾生為本我等今日亦復如是起勇猛心起慈悲心等如來心承諸佛力建道場懺擊甘露鼓秉智慧弓執

堅固箭普為四生六道三世眾怨父母師長六親眷屬解怨釋結已作之罪一切捨施未起之怨畢竟不造仰願諸佛諸大菩薩以慈悲力以本願力以神通力同加覆護折伏攝受令三世無量眾怨從今日去乃至菩提解怨釋結無復怨對一切眾苦畢竟斷除相與至心等一痛切五體投地奉為天人六道三世眾怨父母師長一切眷屬歸依世間大慈悲父

- 南無彌勒佛 南無釋迦牟尼佛
- 南無善意佛 南無難垢佛
- 南無月相佛 南無大名佛
- 南無珠髻佛 南無威猛佛
- 南無師子步佛 南無德樹佛
- 南無觀釋佛 南無慧聚佛
- 南無安住佛 南無有意佛
- 南無鴛伽陀佛 南無無量意佛
- 南無妙色佛 南無多智佛

南無光明佛 南無堅戒佛

南無吉祥佛 南無寶相佛

南無蓮華佛 南無那羅延佛

南無安樂佛 南無智積佛

南無德敬佛

南無勇精進菩薩 南無金剛慧菩薩

南無無邊身菩薩 南無觀世音菩薩

又復歸依如是十方盡虛空界一

切三寶如是三世一切眾怨今日

在六道中已受怨對者願以佛力

法力賢聖力令此眾生悉得解脫

若於六道中應受對未受對者畢

竟不復入於惡趣畢竟不復惡心

相向畢竟不復楚毒相加一切捨

施無怨親想一切罪咎各得消除

一切怨對皆得解脫同心和合猶

如水乳一切歡喜猶如初地壽命

無窮身心永樂天宮淨土隨意往

生念衣衣來想食食至無復怨對

哭泣之聲四體不為變動所侵五

情不為塵惑所染眾善競會萬惡

爭消發起大乘修菩薩行四等六

度一切具足捨生死報同成正覺

今日道場同業大眾何者怨根若

本眼貪色耳貪聲鼻貪香舌貪味

身貪細滑常為五塵之所繫縛所

以歷劫長夜不得解脫又復六親

一切眷屬皆是我等三世怨根一

切怨對皆從親起若無有親亦無

有怨若能離親即是離怨何以故

余若各異處遠隔他鄉如是二人

終不得起怨恨之心得起怨恨皆

由親近以三毒根自相觸惱以觸

惱故多起恨心所以親戚眷屬亟

生責望或父母責望於子或子責

望父母兄弟姊妹一切皆然更相

責望更相嫌恨小不適意便生瞋

怒若有財寶親戚競求貧窮之日

初無憂念又得者愈以為少愈得

愈為不足百求百得不以為恩一

不稱心便增忿憾是則人懷惡念

遂起異心故結讎連禍世世無窮

推此而言三世怨對實非他人皆

是我等親緣眷屬當知眷屬即是

怨聚豈不人人懸懼 悔過宜各至

心五體投地奉為有識神已來至

于今日經生父母歷劫親緣於六

道中結怨對者若對非對若輕若

重今日若在地獄道者若在畜生

道者若在餓鬼道者若在阿脩羅

道者若在人道者若在天道者若

在仙道者今日現前在眷屬中者

如是三世一切眾怨各及眷屬

等今日以慈悲心無怨親想等諸

佛心同諸佛願普皆奉為歸依世

間大慈悲父

南無彌勒佛 南無釋迦牟尼佛

南無梵德佛 南無寶積佛

南無華天佛 南無善思議佛

南無法自在佛 南無名聞意佛

南無樂說眾佛 南無金剛相佛
 南無求利益佛 南無遊戲神通佛
 南無離闇佛 南無名天佛
 南無彌樓相佛 南無眾明佛
 南無寶藏佛 南無極高行佛
 南無提沙佛 南無珠角佛
 南無德讚佛 南無日月明佛
 南無星宿佛 南無日月佛
 南無師子相佛 南無蓮蓋王佛
 南無福藏佛
 南無業陰蓋菩薩 南無寂根菩薩
 南無無邊身菩薩 南無觀世音菩薩
 又復歸依如是十方盡虛空界一切三寶
 願以佛力法力大地菩薩力一切賢聖力令某甲等父母親緣於六道中有怨對者各及眷屬皆悉同時集此道場共懺先罪解諸怨結若有身形拘礙不得到者願承三寶力攝其精神皆悉同到受某甲等今

日懺悔一切怨對願蒙解脫道場大衆宜各人人心念口言某甲等從無始有識神已來至于今日於經生父母歷劫親緣姑姨伯叔內外眷屬以三毒根起十惡業或以不知或以不信以無明故起諸怨結於父母眷屬乃至六道亦有怨對如是等罪無量無邊今日懺悔願乞除滅又復無始已來至于今日或以瞋恚或以貪愛或以愚癡從三毒根造種種罪如是罪惡無量無邊慙懺悔願乞捨施又復無始已來至于今日或爲田業或爲舍宅或爲錢財起怨對業於眷屬中備加殺害如是種種不可具說所起怨對無有罷期今日慙懺發露懺悔願父母六親一切眷屬以慈悲心受我懺悔一切捨施無復恨想乃至盜竊邪淫妄語五逆十惡無不備作妄想顛倒攀緣諸境

造一切罪如是等罪無量無邊或於父母或於兄弟姊妹或於姑姨伯叔眷屬乃至有識神已來至于今日於六親邊起如是等罪因苦果受對劫數怨結多少唯有十方一切諸佛大地菩薩盡知盡見如諸佛菩薩所知所見罪量多少怨對劫數於未來世方受對者某甲等今日慙顏哽慙銜悲自責改往修來不敢復作唯願父母親緣眷屬以柔軟心調和心樂善心歡喜心守護心等如來心受某甲等今日懺悔一切捨施無怨親想又願父母親緣一切眷屬若有怨對在六道中者亦願六道一切衆生同共捨施三世怨結一時俱盡從今已去至于道場永離三途絕四趣苦一切和合猶如水乳一切無礙等如虛空永爲法親慈悲眷屬各各修習無量智慧具足成就一切功德

勇猛精進不休不息行菩薩道無有疲倦等諸佛心同諸佛願得佛三密具五分身究竟無上菩提成等正覺

今日道場同業大眾相與已解父母怨竟次復應解師長怨結自大聖已還體未圓極至於無生法忍猶爲三相遷滅在乎如來尚假苦言令惡衆生因茲悟道而德明化物猶現此辭況復凡愚理絕淨境今善惡雜糅明白未分豈能頓離三業之失若聞所說正當慙愧師長恩德深自悔責不得驚疑人懷惡念經言雖復出家未盡煩惱未得解脫不得便言無復諸惡在俗之人不得便言都無其善且置是事如經所說佛告大眾汝當緣念師長之恩父母雖復生育訓誨而不能使離於三途師長大慈誘進童蒙使得出家稟受具戒是即懷

羅漢胎生羅漢果離生死苦得涅槃樂師長既有如是出世恩德誰能上報若能終身行道正可自利非報師恩佛言天下善友莫過師長今日道場同業大眾如佛所說師長有如此恩德而未曾發念報師長恩或復教誨亦不信受乃至廣言起於誹謗橫生是非使佛法衰落如是等罪何當免離三途苦報無人代者及其捨命樂去苦歸神情慘惻意用惛迷六識不聰五根喪敗欲行足不能動欲坐身不自立假使欲聽法言則耳無所復聞欲視勝境界則眼無復所見當如此時共思今日禮懺豈可復得但有地獄無量衆苦如是苦報自作自受故經言愚癡自恃不信殃禍誘師毀師憎師嫉師如是等人法中大魔地獄種子自結怨對受報無窮如華光比丘善說法要有一

弟子恒懷驕慢和上爲說都不信受即作是言我大和上空無智慧但能讚歎虛空之事願我後生不復樂見於是弟子法說非法非法說法雖持禁戒無有毀犯以謬解故命終之後如射箭墮阿鼻獄八十億劫恒受大苦今日道場同業大眾如經所說豈得不人人起大怖畏止於和尚發一惡言墮阿鼻獄八十億劫何況出家已來至于今日於和尚邊所起惡業其罪無量判捨身形同彼無疑何以故和上闍梨恒加訓誨而未會如法修行於諸師長多生違逆或復給與而無厭足或師瞋弟子或弟子恨師於三世中喜怒無量如是等罪不可稱計經言起一瞋心怨對無量如是怨對非但六親師徒弟子嫌恨亦甚又復同房共住上中下座不能深信出家是遠離法

不知忍辱是安樂行不知平等是
 菩提道不知離相是出世心師及
 弟子同房同住結業未盡互相違
 悞忿諍之心紛然亂起所以世世
 不得和合又出家人或同學業或
 復共師見解不等昇進之日便含
 毒懷瞋而不自言宿習智慧彼有
 福德我無善根聞見他榮不安隱
 性有漏之心亟生高下多起鬪諍
 少能和合不能推厚居薄更相嫌
 恨不省己非唯談他短或以三毒
 更相譏謗無忠信心無恭敬意何
 處復念我違佛戒乃至高聲大語
 惡罵醜言師長教誨都無信受上
 中下座人各懷恨以懷恨故更相
 是非於惡道中多有怨對皆是我
 等師徒弟子同學共住上中下座
 起一恨心怨對無量所以經言今
 世恨意微相憎嫉後世轉劇至成
 大怨何況終身所起惡業今日道

場同業大眾各不自知在何道中
 於諸師長上中下座起諸怨結如
 是怨對無有窮盡無有年期亦無
 劫數當受苦時不可堪忍所以菩
 薩摩訶薩捨怨親心離怨親想以
 慈悲心平等攝受相與今日已得
 發菩提心發菩提願宜應習行菩
 薩所行四無量心六波羅蜜四攝
 法四弘誓如諸佛菩薩所行之行
 我等今日亦應習行怨親平等一
 切無礙從今已去至于菩提擔當
 救護一切眾生今諸眾生究竟一
 乘相與至心五體投地奉為有識
 神已來經生出家和上闍梨有怨
 對者同壇尊證有怨對者同學眷
 屬上中下座有怨對者三世眾怨
 若對非對若輕若重各及眷屬某甲
 等若於六道一切眾生有怨對者
 於未來現在應受對者今日懺悔
 願乞除滅若六道中一切眾生各

各有怨對者某甲等今日以慈悲心
 無怨親想普為三世一切眾怨求
 哀懺悔願悉捨施無復惡念相加
 懷毒相向同共捨施一切歡喜從
 今解結無復瞋恨各自恭敬念報
 恩心等諸佛心同諸佛願各各至
 心歸依世間大慈悲父

南無弥勒佛 南無釋迦牟尼佛
 南無見有邊佛 南無電明佛
 南無金山佛 南無師子德佛
 南無勝相佛 南無明讚佛
 南無堅精進佛 南無具足讚佛
 南無離畏佛 南無應天佛
 南無大燈佛 南無世明佛
 南無妙香佛 南無持上功德佛
 南無離暗佛 南無寶讚佛
 南無師子頰佛 南無滅過佛
 南無持甘露佛 南無人月佛
 南無喜見佛 南無莊嚴佛
 南無珠明佛 南無山頂佛

南無名相佛 南無法稱佛

南無慧上菩薩 南無常不離世菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以佛力法力地菩薩力一切

賢聖力令彼三世無量眾怨若對

非對盡空法界一切眾生皆同懺

悔解怨釋結一切捨施無怨親息

一切和合猶如水乳一切歡喜猶

如初地一切無礙猶如虛空從今

已去至于菩提永爲法親無別異

想常爲菩薩慈悲眷屬又以今礼

拜懺悔解怨釋結功德因緣願和

上闍梨同壇尊證同學弟子上中

下座一切眷屬有怨對者乃至四

生六道各有三世眾怨未解脫者

今日若有在天道者在仙道者在

阿脩羅道者在地獄道者在餓鬼

道者在畜生道者在人道者今日

現在眷屬中者如是十方三世眾

怨若對非對各及眷屬從今已去

至于菩提一切罪障皆得除滅一

切怨對畢竟解脫結習煩惱永得

清淨長辭四趣自在受生念念法

流心心自在六波羅蜜具足莊嚴

十地行願無不究竟得佛十力神

通無礙早具阿耨多羅三藐三菩

提成等正覺

今日道場同業大眾前是總相爲

他三世眾怨解諸怨結此下自淨

宜督其心相與今日何故受生死

身不得解脫進不覩面前授記退

不聞一音演說良由罪業深厚怨

結牢固非唯不見前佛後佛菩薩

賢聖而亦將恐十二分教聞聲傳

響永隔心路惡道怨對無從得免

捨此形命方沉沸海輪轉三途備

歷惡趣何當復得見此人身發如

是意實有切情之悲蓮如是想不

覺痛心之苦相與已得仰塗風化

割愛辭親捨榮弃俗更無異緣豈

得不與時競各求所安若不堅強

其志捍勞忍苦銜悲惻愴者忽使

身被篤疾中陰相現獄卒羅刹牛

頭阿旁殊形異狀一朝而至風刀

解身心懷怖亂者屬號泣無所覺

知當此之時欲求今日起一善心

五體投地礼佛懺悔豈可復得但

有三途無量眾苦今日大眾各自

努力與時馳競若任情適意則進

趣理邊捍勞忍苦則趣向心疾故

經言悲是道場忍疲苦故發行是

道場能辦事事故知萬善莊嚴不

勤無託欲度巨海非舟何寄若有

願樂之心而不行願樂之事其願

必虛未見其果如絕糧之人心存

百味於其飢惱終無濟益當知欲

求勝妙果報必須心事俱行相與

及時生增上心懷慙愧意懺悔滅

罪解諸怨結脫更處闍開了未期

人皆解脫莫追後悔各各至心等一

痛切五體投地歸依世間大慈悲父

南無彌勒佛 南無釋迦牟尼佛

南無定義佛 南無施願佛

南無寶象佛 南無象王佛

南無遊步佛 南無安隱佛

南無法差別佛 南無上尊佛

南無極高德佛 南無上師子音佛

南無樂戲佛 南無龍明佛

南無華山佛 南無龍喜佛

南無香自在佛 南無大名佛

南無天力佛 南無德鬚佛

南無龍手佛 南無善行意佛

南無因莊嚴佛 南無智勝佛

南無量月佛 南無寶語佛

南無日明佛 南無藥上菩薩

南無藥王菩薩 南無觀世音菩薩

南無無邊身菩薩 又復歸依如是十方盡虛空界一

○慈悲道場懺法

切三寶

甲等積集罪障深於大地無明覆

蔽長夜不曉常隨三毒造怨對因

致使迷淪三有永無出期今日以

諸佛菩薩大慈悲力始蒙覺悟心

生慙愧至誠求哀發露懺悔願諸

佛菩薩慈悲攝受以大智慧力不

可思議力無量自在力降伏四魔

力滅諸煩惱力滅諸怨結力度脫

眾生力安隱眾生力解脫地獄力

濟度餓鬼力救拔畜生力攝化阿

脩羅力攝受人道力盡諸天諸仙

漏力無量無邊功德力無量無盡

智慧力令四生六道一切眾怨同

到道場受_{某甲}等今日懺悔一切捨

施無怨親想所結怨業同得解脫

永離八難無四趣苦常值諸佛聞

法悟道發菩提心行出世業四等

六度深心修習一切行願等階十

地入金剛心 成正覺

今日道場同業大眾夫怨對相尋

皆由三業莊嚴行人嬰諸苦報相

與既知是眾苦之本宜應勇猛挫

而滅之滅苦之要唯有懺悔故經

稱歡世二健兒一不作罪二能懺

悔大眾今日將欲懺悔當潔其心

整肅其容內懷懺愧悲暢於外起

二種心則無罪不滅何者二種心

一慙二愧慙者慙天愧者愧人慙

者自能懺悔滅諸怨對愧者能教

他人解諸結縛慙者能作眾善愧

者能見隨喜慙者內自羞耻愧者

發露向人是以二法能令行人得

無礙樂相與今日起大慙愧作大

懺悔至心求哀四生六道何以故

介經言一切眾生皆是親緣或經

為父母或經為師長乃至兄弟姊

妹一切皆然良由墮無明網不復

相知既不相知多起觸惱以觸惱

故怨對無窮大眾今日覺悟此意

至誠懇惻苦切用心必令一念感十方佛一拜斷除無量怨對等一痛切五體投地重復歸依世間大慈悲父

南無彌勒佛 南無釋迦牟尼佛
 南無定意佛 南無量形佛
 南無照明佛 南無寶相佛
 南無斷疑佛 南無善明佛
 南無不虛步佛 南無覺悟佛
 南無華相佛 南無山主王佛
 南無大威德佛 南無徧見佛
 南無量名佛 南無寶天佛
 南無住義佛 南無滿意佛
 南無上讚佛 南無無憂佛
 南無無垢佛 南無梵天佛
 南無華明佛 南無身差別佛
 南無法明佛 南無盡見佛
 南無德淨佛

南無殊師利菩薩 南無普賢菩薩
 南無無邊身菩薩 南無觀世音菩薩
 又復歸依如是十方盡虛空界一

切三寶

仰願三寶同加攝受令某甲等所懺除滅所悔清淨又願今日同懺悔者從今已去乃至菩提一切怨對皆得消滅一切衆苦畢竟解脫結習煩惱永得清淨長離四趣自在受生親侍諸佛而奉尊記六度四等無不備行具四辯才得佛十力相好嚴身神通無礙入金剛心成等正覺

慈悲道場懺法卷第五

慈悲道場懺法卷第六

解怨結之餘

今日道場同業大眾先向四生六道懺身惡業經言有身則苦生無身則苦滅而此身者衆苦之本三途劇報皆由身得未見他作我受我作他受自作其因自受其果若一業成罪無邊際何況終身所起惡業今唯知有我身不知有他身唯知有我苦不知有他苦唯知我求安樂不知他亦求安樂以愚癡故起吾我心生怨親想所以怨對遍於六道若不解結於六道中何時免離從劫至劫豈不痛哉相與今日起勇猛心起大慙愧作大懺悔必使一念感十方佛一拜斷除無量怨結等一痛切五體投地歸依世間大慈悲父

南無彌勒佛 南無釋迦牟尼佛

南無月面佛 南無寶燈佛
 南無寶相佛 南無上名佛
 南無作名佛 南無無量音佛
 南無違藍佛 南無師子身佛
 南無明意佛 南無無能勝佛
 南無功德品佛 南無月相佛
 南無得勢佛 南無無邊行佛
 南無開華佛 南無淨垢佛
 南無見一切義佛 南無勇行佛
 南無富足佛 南無福德佛
 南無隨時佛 南無廣意佛
 南無功德敬佛 南無善寂滅佛
 南無財天佛
 南無大勢至菩薩 南無常精進菩薩
 南無無邊身菩薩 南無觀世音菩薩
 又復歸依如是十方盡虛空界一切三寶
 願以佛力法力諸菩薩力一切賢聖力令四生六道一切眾怨同道場各各懺謝心念口言作如是

說等從無始無明住地已來至于今日以身惡業因緣或於天道人道起諸怨結或於阿脩羅道地獄道起諸怨結或於餓鬼道畜生道起諸怨結願以佛力法力諸菩薩力一切賢聖力令四生六道三世眾怨若對非對若輕若重以今懺法所懺除滅所悔清淨三界苦果永不復受在所生處常值諸佛又復今日同懺悔者從無始生死已來至于今日以身惡業因緣於惡道中備起怨結或以瞋恚或以貪愛或以愚癡從三毒根造十惡行好殺禽獸斷牛羊等或為田業或為舍宅或為錢財更相殺害又無始已來至于今日或為利養謬刺眾生或欺妄作醫針灸百姓如是等罪怨對無量今日懺悔願乞除滅又無始已來至于今日或飢餓眾生或奪人糧食或逼眾生鹹

苦或斷人水漿如是種種惡業怨對今日懺悔願乞除滅又無始已來至于今日或殺害眾生啖食其肉或縱三毒鞭打眾生或以毒食飼殺眾生如是怨對無量無邊今日懺悔願乞除滅又無始已來至于今日遠離明師親近惡友從身三業起種種罪肆情殺害狂犬無辜或發撒湖池壅塞溝渠惱害水性諸餘細蟲或焚燒山野或設網張羅水陸眾生備加殺害如是怨對無量無邊今日懺悔願乞除滅又無始已來至于今日無慈悲心乖平等行斗秤欺誑侵凌下劣或破他城邑抄掠劫奪或偷盜他財以自供給無有誠信更相殺害如是怨對無量無邊今日懺悔願乞除滅又無始已來至于今日無慈悲行在六道中於一切眾生備加楚毒或鞭打者屬不以其道或繫

或縛鎖械幽閉或考掠側立刺射
傷毀或斬截殘害剝灸燒煮如是
怨對無量無邊今日懺悔願乞除
滅又無始已來至于今日身三惡
業口四惡業意三惡業四重五逆
諸餘不善無不備作自恃年命不
畏鬼神唯恐我不勝人人莫及我
或以華門望族傲物凌人作如是
怨或以識達凌人傲物作如是怨
或以篇章技藝凌人傲物作如是
怨或以誇豪奢侈凌人傲物作如
是怨或以辯口利辭凌人傲物作
如是怨如是眾怨或於尊像福田
邊起或於和尚閣梨邊起或於同
住上中下座邊起或於同學眷屬
邊起或於父母親戚邊起如是怨
對無量無邊今日懺悔願乞除滅
又無始已來至于今日或經於天
道人道起諸怨結或於阿脩羅道
地獄道起是怨結或於畜生道餓

鬼道乃至十方一切眾生邊起諸
怨結如是罪惡無量無邊今日懺
悔願乞除滅甲等又復無始已來
至于今日或為嫉妬或為諂曲自
求升進或為名譽或為利養隨逐
邪見無有慙愧如是怨結若輕若
重罪因苦果數量多少唯有諸佛
菩薩盡知盡見諸佛世尊當慈念
我若我前生從無始生死已來所
作眾罪若教他作見作隨喜若三
寶物自取教他取見取隨喜或有
覆藏或不覆藏如諸佛菩薩所知
所見罪量多少應墮地獄餓鬼畜
生及諸惡趣邊地下賤受怨對者
今皆懺悔願乞除滅諸佛神力不
可思議願以慈悲心救護一切受
甲等今日向四生六道父母師長
一切眷屬懺悔往罪解怨釋結願
今六道怨對各各歡喜一切捨施
無怨親想一切無礙猶如虛空從

今日去至于菩提結習煩惱畢竟
斷除三業清淨眾怨永盡天宮寶
殿隨意往生四無量心六波羅蜜
常能修行百福嚴身萬善具足往
首楞嚴三昧得金剛身以一念頃
遍應六道更相濟度使無遺餘同
坐道場成等正覺

今日道場同業大眾相與已得懺
悔身罪身業雖淨所餘口過復是
一切怨禍之門故諸佛誠不得兩
舌惡口妄言綺語當知諂曲華辭
搆扇是非故言之為患招報實重
夫人處世心懷毒念口施毒言身
行毒業以此三事加害眾生眾生
被毒即結怨恨誓心欲報或現世
獲願或終後從心如是怨結備居
六道更相報復無有窮盡皆由宿
命非空所得當知身口寶眾惡之
源處俗者恣之不孝死入泰山便
有湯火之酷出家者不樂佛法所

生之處常與惡會如此惡對皆資
 二業三業之中口業實重乃至獲
 報備諸楚毒難曉之夜不覺不知
 今日道場同業大眾我等所以輪
 迴六道者皆由口業或復輕言肆
 語脆口利辭浮虛假飾言行相乖
 目招其報歷劫無免豈不人人悚
 然增到懺洗此過相與從有識神
 已來至于今日口業不善於四生
 六道父母師長一切眷屬邊塵惡
 不宣出言魚鱗發語毀暴朋遊聚
 話無義而說指空為有指有言空
 見言不見不見言見聞言不聞不
 聞言聞作言不作不作言作如是
 顛倒反天易地自利傷物更相謔
 謔言已則靡德不歸說他則何惡
 不往乃至品詳聖賢裁量君父譏
 說師長背善知識無道無義無所
 顧難世有幽厄傷形喪命未來楚
 痛永劫嬰報直戲笑之頃便能具

足無量重罪何況苦言以加一切
 眾等相與無始已來至于今日以
 惡口業於天道人道有怨對者於
 阿脩羅道地獄道有怨對者於餓
 鬼道畜生道有怨對者若於父母
 師長一切眷屬有怨對者某甲等以
 慈悲心同菩薩行同菩薩願普皆
 奉為歸命敬禮大慈悲父
 南無彌勒佛 南無釋迦牟尼佛
 南無淨斷疑佛 南無無量持佛
 南無妙樂佛 南無不負佛
 南無無住佛 南無得義迦佛
 南無眾首佛 南無世光佛
 南無多德佛 南無弗沙佛
 南無無邊感德佛 南無義意佛
 南無藥王佛 南無斷惡佛
 南無無熱佛 南無善調佛
 南無名德佛 南無華德佛
 南無勇德佛 南無金剛軍佛
 南無大德佛 南無寂滅意佛

南無香象佛 南無那羅延佛
 南無善住佛
 南無不休息菩薩 南無妙音菩薩
 南無無邊身菩薩 南無觀世音菩薩
 又復歸命如是十方盡虛空界一
 切三寶
 願以佛力法力菩薩力賢聖力令
 四生六道一切眾生重使覺悟同
 到道場若有身形拘礙有心不得
 到者願以佛力法力賢聖力攝其
 精神一切同到受某甲等懺口業罪
 從無始無明住地已來至于今日
 以口惡業因緣於六道中備起怨
 結願以三寶神力令四生六道三
 世怨對所懺除斷所悔永滅某甲等
 從無始已來至于今日或以瞋恚
 或以貪愛或以愚癡從三毒根造
 十惡行以口四惡起無量罪或以
 惡口惱亂父母及一切眷屬或於
 父母起妄語業或於親戚眷屬起

妄語業或於師長起妄語業於諸
衆生起妄語業或復見言不見不
見言見或聞言不聞不聞言聞或
知言不知不知言知或為驕慢或
為嫉妬起妄語業如是罪惡無量
無邊今日懺悔願乞除滅又無始
已來至于今日起兩舌業受他惡
言不能覆藏向彼說此向此說彼
使人離散令他嬰苦或口戲笑闖
諍兩家讒亂君臣忿擾一切離人
骨肉破他眷屬如是等罪無量無
邊今日懺悔願乞除滅又無始已
來至于今日造綺語罪說無義語
無利益語或惱父母或惱師長或
惱同學乃至六道一切衆生皆起
惱害如是口業所起怨對無量無
邊今日懺悔願乞除滅願以佛力
法力諸菩薩力一切賢聖力受
等今日懺悔令四生六道三世衆
怨一切怨結畢竟解脫一切罪業

皆悉斷除畢竟不復起諸怨結更
入三途畢竟不復於六道中楚毒
相加從今日去一切捨施無怨親
想一切和合猶如水乳一切歡喜
猶如初地水為法親慈眷屬從
今已去乃至菩提三界果報永不
復受斷三障業無五怖畏四無量
心六波羅蜜各自深修行大乘道
入佛智慧一切願海皆能滿足六
通三達無不明了得佛三密具五
分身登金剛慧成種智果
今日道場同業大眾相與已得懺
身口罪竟次復應須清淨意業一
切衆生輪轉生死不得解脫者皆
由意業結集在固十惡五逆必由
意造故佛誠言不得貪欲瞋恚愚
癡邪見後墮地獄受苦無窮今日
相與共見心之驅役諸識亦猶君
之摠策其臣口發惡言身行重逆
於六道中能招劇報當知滅身事

由心造今欲改悔先挫其心次折
其意何以故念經言制之一處無
事不辦當知潔心是解脫之本清
淨意業則進趣有期三途劇報不
來惡道苦受不往然身口業處易
遺意地微細難除如來大聖一切
智人於身口意始得不護況凡感
愚夫而不守慎若不折挫未見其
善經云防意如城守口如瓶相與
無始世界已來及此一形無明起
愛增長生死亦能具足十二苦事
八邪八難三途六道輪迴流轉無
不經歷如是諸處受無量苦皆由
意業攖起怨對念念攀緣未曾暫
捨扇動六情馳役五體輕重惡業
無不備造或身口不遂心增忿毒
更相救害無憐愍心若微有痛癢
不可抑忍比至在他唯恐楚毒不
深見人之過意願宣說自有愆失
不喜他聞有如是心實可慙愧又

意地起瞋大道怨賊所以經言劫
功德賊無過瞋恚又華嚴經云佛
子若起一瞋恚心一切惡中無過
此惡何以故余一瞋恚心則受百
千障礙所謂不見菩提障不聞法
障生惡道障多疾病障被誘毀障
生聞鈍障失正念障少智慧障近
惡知識障不樂賢善障遠正見障
離佛正教入魔境界不見善知識
諸根不具乃至生惡業家生於邊
地如是等障不可具說我等無始
已來至于今日已有無量無邊瞋
恚惡心乃至起瞋不避親族何況
六道諸眾生等及其煩惱猛毒不
復自知但事不得為心想何所不
念若使得遂心意則誰不被困故
天子一怒伏屍萬里降斯已還自
空紛擾鞭撻挂縛有諸罪苦當此
之時何處應言我違善戒唯恐苦
酷不深不重是意地惡通於有識

智愚不免豪賤共有未嘗一日慙
愧改悔今日道場同業大眾瞋恚
苦惱意慮情深雖復欲捨對境以
發動與惡俱念念相觸何時當得
免離斯苦大眾相與既知其罪豈
得晏然而不改悔相與今日懇到
披誠懺滅此罪宜各人人等一痛
切五體投地歸依世間大慈悲父
南無彌勒佛 南無釋迦牟尼佛
南無無所負佛 南無月相佛
南無電相佛 南無恭敬佛
南無威德守佛 南無智日佛
南無上刹佛 南無須彌頂佛
南無治怨賊佛 南無蓮華佛
南無應讚佛 南無知次佛
南無離憍佛 南無那羅延佛
南無常樂佛 南無不少國佛
南無天名佛 南無見有邊佛
南無甚良佛 南無多功德佛
南無寶月佛 南無師子相佛

南無樂禪佛 南無無所少佛
南無遊戲佛
南無師子遊戲菩薩 南無師子奮迅菩薩
南無無邊身菩薩 南無觀世音菩薩
又復歸依如是十方盡虛空界一
切三寶
願以慈悲力無量無邊自在力受
甲等今日向四生六道父母師長
一切眷屬懺意所起一切怨對若
對非對若輕若重已起之怨願懺
除滅未起之怨不敢復作仰願以
三寶力同加攝受哀憐覆護令得
解脫甲等從無始已來至于今日
以意惡業因緣於四生六道父母
師長一切眷屬起諸怨對若輕若
重今日慙愧發露懺悔一切怨對
願乞除滅又無始已來至于今日
依三毒根起於貪心因於貪使起
於貪業若幽若顯盡空法界他所
有物起於惡念我當取之乃至父

母師長物一切眷屬物一切眾生
物諸天諸仙物如是一切皆念屬
已如是罪惡無量無邊今日懺悔
願乞除滅又無始已來至于今日
起於瞋業晝夜燒然一時一刻無
暫休息小不適意便大瞋怒取諸
眾生種種惱害或加鞭杖或復沉
溺乃至飢餓懸縛幽繫如是瞋罪
無量怨對今日懺悔願乞除滅又
無始已來至于今日隨逐無明起
於癡業無惡不造無有正慧信於
邪言受於邪法如是癡業造諸怨
對無量無邊今日懺悔願乞除滅
又無始已來至于今日行十邪道
無怨不結無業不造念念攀緣未
曾暫捨扇動六情起諸結業或身
口不遂其事而心增毒厲乃至戲
笑搆起是非不以直心與人從事
恒懷詭曲無有慙愧如是等罪無
量無邊於六道中受大苦惱今日

懺悔願乞除滅某等從無始已來
至于今日以身業不善口業不善
意業不善如是惡業於佛邊起一
切罪障於法邊起一切罪障於一
切菩薩賢聖邊起一切罪障如是
罪障無量無邊今日至誠求哀懺
悔願乞除滅又無始已來至于今
日身三口四意三惡業五逆四重
無罪不作今日懺悔願乞除滅又
無始已來至于今日六根六塵六
識妄想顛倒攀緣諸境造一切罪
今日懺悔願乞除滅又無始已來
至于今日於攝大威儀戒攝善法
戒攝眾生戒多有毀犯身壞命殄
墮三惡道在地獄中受無量無邊
恒沙等苦又墮餓鬼無所識知恒
抱飢渴受寒熱惱又墮畜生受無
量苦飲食不淨飢寒困苦又出生
人中墮邪見家心常詭曲信於邪
言失於正道某生死海某無出期

三世一切眾惡對不可稱計唯
有諸佛盡知盡見某如諸佛所知
所見罪報多少今日懺悔願乞除
滅願以諸佛大慈悲力大神通力
如法調伏諸眾生力令某等今日
懺悔一切怨對即得除滅六道四
生今日已受對者未受對者願以
諸佛大地菩薩一切賢聖大慈悲
力令此眾怨畢竟解脫從今日去
至于菩提一切罪障畢竟清淨捨
惡道生得淨土生捨怨對命得智
慧命捨怨對身得金剛身捨惡道
苦得涅槃樂念惡道苦發菩提心
四等六度常得現前四辯六通如
意自在勇猛精進不休不息乃至
進修滿十地行還度無邊一切眾生
發願第四
今日道場同業大眾過去現在四
生六道窮未來際一切眾生願以
今懺法同得清淨同得解脫具足

智慧神力自在願諸眾生從今日
去至于菩提常見十方蓋虛空界
諸佛法身常見諸佛三十二相紫
磨之身常見諸佛八十種好分形
散體遍滿十方救眾生身常見諸
佛眉間白毫大光普照濟地獄苦
又願今日道場同業大眾以今懺
悔清淨功德因緣從今日去捨身
受身不經地獄道鑊湯鑪炭割炙
之苦不經餓鬼道烓銅灌口焦爛
之苦不經畜生道剝裂楚毒之苦
若在人道不經四百四病觸身之
苦不經大熱大寒難耐之苦不經
刀杖毒藥加害之苦不經飢渴困
乏之苦又願大眾從今日去奉戒
清淨無點污心常修仁義念報恩
心供養父母如視世尊奉敬師長
如對諸佛敬重國王如真法身於
餘一切皆如已想又願大眾從今
日去乃至菩提達深法義智無所

畏明解大乘了見正法即自開解
不由他悟一向堅固志求佛道還
度無邊一切眾生等與如來俱成
正覺
今日道場幽顯大眾賜為證明今
日微願^{某甲}等正願願生聖人所居
之處常能建立道場興顯供養為
一切眾生作大利益常蒙三寶慈
悲攝受常有勢力化導得行常修
精進不著世樂知一切法空於非
怨親同以善化乃至菩提心無退
轉從今日去一毫之善悉資願力
^{某甲}等又願若生人中生修善家更
立道場供養三寶一毫之善悉施
一切願與和上闍梨不相捨離自
然蔬食絕愛染心不須妻子忠信
清直仁恕和平損己濟物不求名
利^{某甲}等又願若捨此身不蒙解脫
生鬼神中願為大力護法善神濟
苦善神不須衣食自然溫飽^{某甲}等

又願捨此身命不蒙解脫墮畜生
中常處深山食草飲水無諸苦事
出則為瑞不被籠繫^{某甲}等又願捨
此身命不蒙解脫墮餓鬼中願身
心安樂無諸熱惱化諸同苦皆令
悔過發菩提心^{某甲}等又願捨此身
命不蒙解脫墮在地獄自識宿命
化諸同苦皆令悔過發菩提心^{某甲}
等亦自憶菩提心令菩提心相續
不斷仰願十方一切諸佛大地菩
薩一切聖人以慈悲心現為我證
又願諸天諸仙護世四王主善罰
惡守護持呪五方龍王龍神八部
同為證明重復至誠歸依三寶
讚佛呪願
大聖世尊 巍巍堂堂 三達洞照
眾聖中王 分身濟物 現坐道場
天人歸仰 養稟未央 八音遠被
群魔驚惶 威震大千 慈化流芳
以慈悲力 普攝十方 長辭八苦

到菩提鄉

故号如來應供正遍知明行足善逝世閒解無上士調御丈夫天人師佛世尊度人無量拔生死苦以今懺悔清淨讚佛功德因緣願四生六道一切衆生從今日去至于菩提以佛神力隨心自在

慈悲道場懺法卷第六

慈悲道場懺法卷第七

今日道場同業大眾夫至德渺漠本無言無說然言者德之詮道之逕說者理之階聖之導所以藉言而理顯理故非言理由言彰言不越理雖言理兩乘善惡殊絕然影響相符未曾差濫在於初學要言以會道至於無學乃合理而忘言自惟凡愚惛惑障重於諸法門未能捨言今識厥故不盡其妙見淺故不臻其極然言之自易行之實難唯聖與聖乃得備舉今有難言自不能正云何正他汝自三業穢濁云何勸人清淨自不清淨欲使他清淨無有是處既不堅固何以勸人今言行空說便成惱他他既生惱何不且止反覆尋省寧不自愧余是善知識故發此言於是整理衣服斂容無對今聞善知識此

辭心情慙慙自知深過不敢欺誦

聖人隱覆其失今欲毀除恐脫有人

因此增福適欲存之復恐有人

生誘進退迴遑不知所措且立懺

法心既是善善法無礙但應努力

不得計此今唯憑世閒大慈悲父

覆護攝受既已有其言不容毀滅

正當慙愧大眾願無觸惱若謬與

理合相與因此懺法改往修來為

善知識如其不會眾心願布施歡

喜不成惡知識猶為菩提眷屬

自慶第一 為六道禮佛第二

迴向第三 發願第四

囑累第五

自慶第一 此略申自慶大意其
中慶事隨自社眾

今日道場同業大眾從歸依已來

知至德可憑斷疑懺悔則罪感俱

遣續以發心勸獎兼行怨結已解

道遙無礙豈得不人人踊躍歡喜

所應自慶今宣其意經云八難一者

地獄二者餓鬼三者畜生四者邊地五者長壽天六者雖得人身瘡殘百疾七者生邪見家八者生佛前或生佛後有此八難所以眾生輪迴生死不得出離我等相與生在如來像法之中雖不值佛而慶事尤多凡難之爲語罪在於心若心生疑非難成難心苦無疑是難非難何以知之第八難云生在佛前或在佛後是名爲難而城東老母與佛同生一世共佛俱在一處而不見佛故知心疑是難未必異世皆云是難波旬懷惡生陷地獄龍聞說法便得悟道當知人天未必非難心苟不善稟報不殊六天之主墜在地獄畜生之賤超登道場是則心邪故輕難成重心正故重難無礙今日道場同業大眾以心疑故觸向成難心能正者則難非難舉此一條在處可從故知佛

前佛後無非正法邊地畜生莫非道處今若正心則無復八難如其疑惑則難成無量如是自慶事實不少大眾日用不知其功今略陳管見示自慶之端大眾若能知自慶者則復應須修出世心何者自慶佛言地獄難免相與已得免離此苦是一自慶餓鬼難脫相與已得遠離痛切是二自慶畜生難捨相與已得不受其報是三自慶生在邊地不知仁義相與已得共住中國道法流行親承妙典是四自慶生長壽天不知植福相與已得更復樹因是五自慶人身難得一失不返相與已得各獲人身是六自慶六根不具不預善根相與清淨得深法門是七自慶世智辯聰反成爲難相與一心歸憑正法是八自慶佛前佛後復謂爲難或云固不覩佛又爲大難相與已能發

大善願於未來世增拔眾生不以不覩如來爲難但一見色像一聞正法自同在昔鹿苑初唱事貴滅罪生人福業不以不見佛故稱之爲難佛言見佛爲難相與已得瞻對尊像是九自慶佛言聞法復難相與已得資服甘露是十自慶佛言出家爲難相與已得辭親割愛歸向入道是十一自慶佛言自利者易利他爲難相與今日一拜一禮普爲十方是十二自慶佛言捍勞忍苦爲難相與今日各自翹勤有所爲作不爲自身是十三自慶佛言讀誦爲難我今大眾同得讀誦是十四自慶坐禪爲難而今見有息心定意者是十五自慶今日道場同業大眾如自慶事多無量非復弱辭所能宣盡凡人處世苦多樂少一欣一喜尚不可諧況今相與有多無礙得此無礙皆是十

方三寶威力宜各至心懷憶此思
等一痛切五體投地奉為

國王帝主土境人民父母師長上
中下座信施檀越善惡知識諸天
諸仙護世四王聰明正直天地虛

空主善罰惡守護持呪五方龍王
龍神八部諸大魔王五帝大魔一
切魔王閻羅王泰山府君五道大

神十八獄王并諸官屬廣及三界
六道無窮無盡含情抱識有佛性
者至誠歸依十方盡虛空界一切

三寶願以慈悲心同加攝受以不
可思議神力覆護拯接令諸天諸
仙一切神王及三界六道一切眾

生從今日去越生死海到涅槃岸
行願早圓俱登十地入金剛心成
等正覺一拜

警言緣三寶第二

今日道場同業大眾宜復人人緣
念三寶何以故余若使不知三寶

云何得起慈心慈念眾生若使不

知三寶云何得起悲心救攝一切

若使不知三寶云何得起平等怨

親同觀若使不知三寶云何能得

妙智證無上道若使不知三寶云

何明了二空真實無相佛言人身

難得今已得信心難生今已生我

等今者各各有心歸憑三寶而眼

不見貪欲瞋恚愚癡之色耳不聞

地獄餓鬼苦楚熱惱之聲鼻不聞

天下臭惡不淨之味身不觸饑湯

爐炭寒冰之苦意常得知佛為無

上慈悲之父知一切法為眾生良

藥知諸賢聖為看病母意常警緣

三寶護世有識念處我常得知我

等今日雖不值佛生在像末具有

信心六根清淨無諸衰憊遊適

性往來無礙此之勝報莫非宿緣

三寶恩力又令今世發菩提心諸

如此益非可具說

今日道場同業大眾豈得不人人

報恩供養一切功德供食中最故

經說言惟念過去世供養為輕微

蒙報歷遐劫餘福值天師經言設

欲報者起塔精舍燈燭幡蓋華香

茵褥種種供養將來之世自受其

福雖是供養非報佛恩欲報佛恩

唯發菩提心立四弘誓造無量緣

莊嚴身相修淨土行是為智者知

恩報恩

今日道場同業大眾諸佛慈恩思

不可報菩薩摩訶薩碎身猶不能

報萬分之一況我凡夫而能報者眾

等唯當依經所說利人為上各各

志心五體投地普為十方無窮無

盡四生眾生歸依世間大慈悲父

南無彌勒佛 南無釋迦牟尼佛

南無德寶佛 南無應名稱佛

南無華身佛 南無大音聲佛

南無辯才讚佛 南無金剛珠佛
 南無無量壽佛 南無珠莊嚴佛
 南無大王佛 南無德高佛
 南無高名佛 南無百光佛
 南無喜悅佛 南無龍步佛
 南無意願佛 南無寶月佛
 南無滅己佛 南無喜王佛
 南無調御佛 南無喜自在佛
 南無寶髻佛 南無離山佛
 南無寶藏佛 南無月面佛
 南無淨名佛
 南無無邊身菩薩 南無觀世音菩薩
 又復歸依十方盡虛空界一切三寶
 懺主謝大眾第三
 今日道場同業大眾相與已能生
 堅固信發菩提心誓不退還此是
 不可思議志力此心此志諸佛稱
 歎其等今日唯深隨喜願未來世
 復得遭遇捨身受身願不相離至
 于菩提永為法親慈悲眷屬其今

段建此法集便成叨覲智無其解
 身乖其行輕發此意實足驚於視
 聽然人微事重冰炭交心若不資
 藉強因而無以獲勝妙之果誠知
 謬造心不忘善異蒙念力同為慈
 親仰屈大眾降德道場時運不留
 忽介垂邁緣行所幸勝會難期當
 自課勵兼以利人卓然排羣莫追
 後悔法音經耳功報劫劫一念之
 善永得資身一向一志無願不獲
 相與人人各各至心五體投地歸
 依世間大慈悲父
 南無彌勒佛 南無釋迦牟尼佛
 南無威德寂滅佛 南無受相佛
 南無多天佛 南無須炎摩佛
 南無天威佛 南無寶眾佛
 南無寶步佛 南無師子分佛
 南無極高行佛 南無人王佛
 南無善意佛 南無世明佛
 南無寶威德佛 南無德乘佛

南無覺想佛 南無喜莊嚴佛
 南無香濟佛 南無香象佛
 南無眾炎佛 南無慈相佛
 南無妙香佛 南無堅錯佛
 南無威德猛佛 南無珠鎚佛
 南無仁賢佛
 南無無邊身菩薩 南無觀世音菩薩
 又復歸依如是十方盡虛空界一
 切三寶
 總發大願第四
 今日道場同業大眾以今懺悔發
 心功德普願十方盡虛空界一切
 天主一切諸天各及眷屬又願仙
 主一切真仙各及眷屬又願梵王
 帝釋護世四王神王神將各及眷
 屬又願聰明正直天地虛空主善
 罰惡守護持呪一切神王一切神將
 各及眷屬又願妙化龍王頭化提
 龍王五方龍王龍神八部神王神
 將各及眷屬又願阿脩羅王一切

神王一切神將各及眷屬又願人道一切人王臣民將師各及眷屬又願十方比丘比丘尼式又摩那沙弥沙弥尼各及眷屬又願閻羅王泰山府君五道大神十八獄王一切神王一切神將各及眷屬又願地獄道一切眾生餓鬼道一切眾生畜生道一切眾生各及眷屬又願十方盡虛空界窮未來際若大若小一切眾生各及眷屬又願若後流眾生異願境者皆悉令入大願海中各各具足功德智慧如是三界內三界外無窮無盡一切眾生名色所攝有佛性者某甲等今日仰承十方盡虛空界一切諸佛大慈悲力諸大菩薩一切賢聖本誓願力無量無盡智慧力無量無盡功德力自在神通力覆護眾生力安慰眾生力盡諸天諸仙漏力攝化一切善神力救拔地獄眾生

力濟度一切餓鬼力免脫一切畜生力令諸眾生得如所願某甲等今日又承慈悲道場力歸依三寶力斷疑生信力懺悔發心力解諸怨結自慶力歡喜踊躍至心力發願迴向善根力令諸眾生得如所願某甲等今日又承七佛大慈心力十方諸佛大悲心力三十五佛滅煩惱力五十三佛降伏魔力百七十佛度眾生力千佛攝受諸眾生力十二菩薩覆護眾生力無邊觀世流通懺力願令十方三界六道窮未來際一切眾生若大若小若外若降名色所攝有佛性者從今懺悔之後在所生處各得諸佛諸大菩薩廣大智慧不可思議無量自在神力之身

六度身正向菩提 四攝身不捨一切 大悲身拔一切苦 大慈身與一切樂 功德身饒益一切 智慧身說法無窮

金剛身物不能壞 淨法身遠離生死 方便身現自在力 菩提身成三菩提 願四生六道一切眾生皆悉具足 如是等身具足成就諸佛無上大智慧身又願十方一切眾生從今日去在所生處各得諸佛諸大菩薩不可思議功德之口柔軟口安樂一切甘露口清涼一切不虛口說真實法寶轉口乃至夢中無有虛言尊重口釋梵四王恭敬尊重甚深口顯示諸法堅固口說不退法正直口具足辯才莊嚴口隨時隨業普皆示現一切口隨其所應度脫一切願四生六道一切眾生皆悉具足諸佛菩薩清淨口業又願十方一切眾生從今日去在所生處各得諸佛諸大菩薩不可思議大智慧心常有馱離煩惱心猛利心堅強心金剛心不退心清淨心明了心求善心莊嚴心廣大心

有大智慧力有所聞法即自開解
慈心向人斷諸怨結住於善 equal 常
懷慙愧不計吾我同善知識見有
布施持戒忍辱精進禪定智慧見
之歡喜怨親一觀心無驕慢不說
他人善惡長短不傳彼此和合分
離所言柔軟不出惡詞歎佛功德
樂學深經愛護眾生如自己身見
有作福不行誹謗慈心和合猶如
聖眾同諸菩薩成等正覺

爲六道禮佛第二

奉爲天禮佛第一

今日道場同業大眾諸天諸仙一
切善神於諸眾生有無量不可思
議恩德願諸眾生長保安樂慇懃
守護唯善是從何以知然佛勅
提頭賴吒四天王 慈心擁護受持經
令聞慈悲名号者 猶如天子法臣護
又勅海龍伊鉢羅 慈心擁護受持經
如護眼目愛己子 晝夜六時不遠離

又勅閻婆羅刹子 無數毒龍及龍女
慈心擁護持經者 如愛頂腦不敢觸

又勅毗留勒迦王 慈心擁護持經者
如母愛子心無厭 晝夜擁護行住俱

又勅難陀跋難陀 婆伽羅王優波陀
慈心擁護持經者 恭敬供養接足禮

猶如諸天奉帝釋 亦如孝子敬父母
慈悲道場施安樂 教諸眾生結法親

後生佛前入三昧 畢定當得不退轉
若聞諸佛名号者 又聞無邊觀世音

消除三障無諸惑 五眼具足成菩提
諸天神王念一切 恒如勸獎助威神

今日道場同業大眾諸天神王有
如此恩德覆護眾生而諸眾生未

曾發心念報恩德古人尚能感一
食之惠遂捨命亡身而況諸天善

神八部神將於諸眾生有此恩德
此恩此德功無邊際我等今日懺

悔發心皆是天王密加神力獎助
行人使心成就若不加助如是等

心早應退沒所以菩薩摩訶薩每
歎善知識者是大因緣能令我等

登踐道場若無善知識云何令我
得見諸佛投身不足報洪慈殞命

不足報深澤菩薩摩訶薩尚致此
言況降斯已下而無報答大眾今

日既未能投骸殞命則應且行勤
勞精進亦是報恩之漸相與各互

增到蓮心知恩報恩不可隨流自
反無方如前自慶重遇爲難難得

今果復欲何待失此一會知更何
趣唯當勇猛忘身為物事成有敗

如春有冬時不待人命焉得久念
此一別相見未期各自努力等一

痛切五體投地奉爲十方盡虛空
界一切天主一切諸天各及眷屬

歸命敬禮世間大慈悲父
南無彌勒佛 南無釋迦牟尼佛

南無善逝月佛 南無梵自在王佛
南無師子月佛 南無福威德佛

南無正生佛 南無無勝佛

南無日觀佛 南無寶名佛

南無大精進佛 南無山光佛

南無施明佛 南無電德佛

南無德聚佛 南無供養名佛

南無法讚佛 南無實語佛

南無救命佛 南無善戒佛

南無善眾佛 南無定意佛

南無喜勝王佛 南無師子光佛

南無破有聞佛 南無照明佛

南無上名佛

南無無邊身菩薩 南無觀世音菩薩

又復歸命十方盡虛空界一切三寶

願十方盡空法界一切天主一切

諸天各及眷屬平等空慧恒得現

前智力方便開無漏道十地行願

各得增明六度修心四等廣被行

菩薩道入佛行處四弘誓願不捨

眾生辯才不斷樂說無窮善權接

化利益四生俱登法雲證常住果

奉為諸仙禮佛第二

今日道場同業大眾人各至心等

一痛切五體投地奉為十方盡虛

空界一切仙主一切真仙各及眷

屬歸命敬禮世間大慈悲父

南無彌勒佛 南無釋迦牟尼佛

南無利慧佛 南無珠月佛

南無威光佛 南無不破論佛

南無光明佛 南無珠輪佛

南無世師佛 南無吉手佛

南無善月佛 南無寶炎佛

南無羅睺守佛 南無樂菩提佛

南無等光佛 南無至寂滅佛

南無世最妙佛 南無無憂佛

南無十勢力佛 南無喜力佛

南無德勢力佛 南無德勢佛

南無大勢力佛 南無功德藏佛

南無真行佛 南無上安佛

南無提沙佛

南無無邊身菩薩 南無觀世音菩薩

又復歸命十方盡虛空界一切三寶

願以慈悲力同加覆護願諸仙主

一切真仙各及眷屬解脫客塵清

淨緣障妙色湛然等佛身相四無

量心六波羅密常得現前四無礙

智六神通力如意自在出入遊戲

菩薩境界等法雲地入金剛心以

不思議力還接六道

奉為梵王等禮佛第三

今日道場同業大眾重復至誠五

體投地奉為梵王帝釋護世四王

各及眷屬歸命敬禮世間大慈悲父

南無彌勒佛 南無釋迦牟尼佛

南無大光佛 南無電明佛

南無廣德佛 南無瓊寶佛

南無福德明佛 南無造鎧佛

南無成手佛 南無善華佛

南無集寶佛 南無大海智佛

南無持地德佛 南無義意蘊佛

南無善思惟佛 南無德輪佛

南無寶火佛 南無利益佛
 南無世月佛 南無美音佛
 南無梵相佛 南無眾師首佛
 南無師子行佛 南無難施佛
 南無應供佛 南無明威德佛
 南無大光王佛
 南無無邊身菩薩 南無觀世音菩薩
 又復歸命如是十方盡虛空界一切三寶
 願以慈悲力同加攝受願梵王帝釋護世四王各及眷屬六度四等日夜增明四無礙辯樂說無盡得八自在具六神通三昧摠持應念現前慈悲普覆十方四生百福莊嚴萬善圓極三達開了五眼具足為法輪王攝化六道一拜

慈悲道場懺法卷第七

慈悲道場懺法卷第八
 奉為阿脩羅道一切善神禮佛第四
 今日道場同業大眾重復至誠五體投地奉為十方盡虛空界一切阿脩羅王一切阿脩羅各及眷屬又奉為十方盡虛空界一切聰明正直天地虛空主善罰惡守護持呪八部神王八部神將乃至若內若外若近若遠東西南北四維上下徧空法界有大神足力有大威德力如是十方八部神王八部神將各及眷屬歸命敬礼一切世間大慈悲文
 南無彌勒佛 南無釋迦牟尼佛
 南無寶名佛 南無眾清淨佛
 南無無邊名佛 南無不虛光佛
 南無聖天佛 南無智王佛
 南無金剛眾佛 南無善障佛
 南無建慈佛 南無華國佛

南無法意佛 南無風行佛
 南無善思名佛 南無多明佛
 南無蜜眾佛 南無功德守佛
 南無利益佛 南無無懼佛
 南無堅觀佛 南無住法佛
 南無珠足佛 南無解脫德佛
 南無妙身佛 南無善高佛
 南無普德佛
 南無無邊身菩薩 南無觀世音菩薩
 又復歸命如是十方盡虛空界一切三寶
 願以慈悲力同加覆護願阿脩羅王一切阿脩羅各及眷屬又願聰明正直天地虛空主善罰惡守護持呪八部神王八部神將各及眷屬解脫客塵清淨緣障發起大乘修無礙道四無量心六波羅蜜常得現前四禪六通如意自在恒以慈悲救護眾生行菩薩道入佛智慧度金剛心成等正覺

奉為龍王禮佛第五

今日道場同業大眾重復至誠五

體投地奉為十方盡虛空界一切

不可思議龍王妙化龍王頭化提

龍王五方龍王天龍王地龍王山

龍王海龍王日宮龍王月宮龍王

星宮龍王歲時龍王青海龍王護

形命龍王護衆生龍王乃至十方

若內若外若近若遠東西南北四

維上下徧空法界有大神足力有

大威德力如是一切龍王一切龍

神各及眷屬歸命敬禮一切世間

大慈悲父

南無彌勒佛 南無釋迦牟尼佛

南無妙智佛 南無梵財佛

南無寶音佛 南無正智佛

南無力得佛 南無師子意佛

南無華相佛 南無積智佛

南無華齒佛 南無功德藏佛

南無名寶佛 南無希有名佛

南無上戒佛 南無無畏佛

南無日明佛 南無梵壽佛

南無一切天佛 南無樂智佛

南無寶天佛 南無珠藏佛

南無德流布佛 南無智王佛

南無無縛佛 南無堅法佛

南無天德佛

南無無邊身菩薩 南無觀世音菩薩

又復歸命如是十方盡虛空界一

切三寶

願以慈悲力同加攝受願諸龍王

各及眷屬增輝光明神力自在以

無相解斷除緣障永離惡趣常生

淨土四無量心六波羅蜜常得現

前四無礙辯六神通力隨心自在

以慈悲力拯接一切妙行莊嚴過

法雲地入金剛心成等正覺

奉為魔王禮佛第六

今日道場同業大眾重復至誠奉

為大魔王五帝大魔乃至東西南

北四維上下盡虛空界一切魔王

各及眷屬歸命敬禮一切世間大

慈悲父

南無彌勒佛 南無釋迦牟尼佛

南無梵牟尼佛 南無安詳行佛

南無勤精進佛 南無炎肩佛

南無大威德佛 南無蒼華佛

南無歡喜佛 南無善衆佛

南無帝幢佛 南無大愛佛

南無須曼色佛 南無衆妙佛

南無可樂佛 南無善足義佛

南無牛王佛 南無妙辯佛

南無大車佛 南無滿願佛

南無德光佛 南無寶音佛

南無金剛軍佛 南無富貴佛

南無勢力行佛 南無師子力佛

南無淨目佛

南無無邊身菩薩 南無觀世音菩薩

又復歸命如是十方盡虛空界一

切三寶

願以慈悲力同加覆護願大魔王
五帝大魔一切魔王各及眷屬無
始已來至于今日一切緣障皆得
清淨一切罪業皆得銷滅一切眾
苦皆得解脫四無量心六波羅蜜
常得現前四無礙智六神通力如
意自在行菩薩道不休先度
眾生然後作佛

為人道禮佛第七

今日道場同業大眾相與已得奉
為諸天諸仙龍神八部禮佛竟次
應奉為人道一切人王禮佛報恩
又為父母師長一切人民何以故
余若無國王一切眾生無所依附
由大王故一切得住行國王地飲
國王水諸餘利益不可具說大眾
宜各起報恩心經言若能一日一夜
六時忍苦為欲利益奉報恩者應
當發起如是等心習行慈悲以是
願力報國王恩報施主恩又當念

行道報父母慈育之恩又當行道
報師長慈訓之恩次復運心念如
來恩若能至心常念不絕者如是
等人得入道疾

奉為國王禮佛第一

今日道場同業大眾諸佛大聖慈
恩開誘慇懃如此今知恩報恩我
等今日既仰賴國王於末世中興
顯佛法種種供養不惜財寶率土
臣民望風歸附又今出家之人安
身行道行住坐卧初無留難凡百
不預唯獎以善皆願我等速出生
死闡無量法門開人天正路而國
王有如此恩德豈得不人人禮拜
奉報其恩相與至心等一痛切奉
為國王歸依世間大慈悲父

- 南無淨藏佛 南無分別威佛
- 南無無損佛 南無蜜日佛
- 南無月光佛 南無持明佛
- 南無善寂行佛 南無不動佛
- 南無大請佛 南無德法佛
- 南無莊嚴王佛 南無高出佛
- 南無炎熾佛 南無華德佛
- 南無寶嚴佛 南無上善佛
- 南無寶上佛 南無利慧佛
- 南無嚴土佛
- 南無無邊身菩薩 南無觀世音菩薩
- 又復歸命如是十方盡虛空界一
切三寶願以慈悲力同加攝受願
當今皇帝補云天
梁皇帝聖體康御天威振
遠帝基永固慧命無窮慈雲無際
有識歸心菩薩威化天人讚仰四
等六度日夜增明四無礙辯樂說
無盡得八自在具六神通三昧摠
持應念現前慈悲即世恩徧六道
萬行早圓速登正覺

奉為諸王禮佛第二

今日道場同業大眾重復至誠五體投地奉為

皇太子殿下分土諸王三王各及

眷屬歸依世間大慈悲父

南無彌勒佛 南無釋迦牟尼佛

南無海得佛 南無梵相佛

南無月蓋佛 南無多炎佛

南無違藍王佛 南無智稱佛

南無覺想佛 南無功德光佛

南無聲流布佛 南無滿月佛

南無華光佛 南無善戒佛

南無燈王佛 南無電光佛

南無光王佛 南無光明佛

南無具足讚佛 南無華藏佛

南無弗沙佛 南無日端嚴佛

南無淨善佛 南無威猛軍佛

南無福德佛 南無力行佛

南無羅睺天佛

南無無邊身菩薩 南無觀世音菩薩

又復歸依如是十方盡虛空界一

切三寶願以慈悲力同加覆護願

皇太子殿下分土諸王各及眷屬

身心安樂妙算無窮行大乘道入

佛智慧被四弘誓不捨一切四等

六度常得現前六通三達善識根

性具二莊嚴神力自在行如來慈

攝化四生

奉為父母禮佛第三

今日道場同業大眾次復應須五

體投地奉為父母育養之恩懷抱

乳哺受重情深寧自危身安立其

子三年長大訓以仁禮洗掌求師

願通經義時刻不忘企及人流所

當供給不悞家實念思慮結有亦

成病卧不安席常憶其子天下思

重世實無二所以佛言天下之恩

莫過父母夫捨家人未能得道唯

勤學業為善莫廢積德不止必能

報恩相與至心等一痛切五體投

地各自奉為有識神已來至于今

日經生父母歷劫親緣一切眷屬

歸依世間大慈悲父

南無彌勒佛 南無釋迦牟尼佛

南無智聚佛 南無調御佛

南無如王佛 南無華相佛

南無羅睺羅佛 南無大藥佛

南無宿王佛 南無華王佛

南無德手佛 南無得又迦佛

南無流布王佛 南無日光佛

南無法藏佛 南無妙音佛

南無德主佛 南無金剛眾佛

南無慧頂佛 南無善住佛

南無意行佛 南無梵音佛

南無師子佛 南無雷音佛

南無通相佛 南無安隱佛

南無慧陰佛

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同加攝受願父母親緣各及眷屬從今日去至于菩提一切罪障皆得除滅一切眾苦畢竟解脫結習煩惱永得清淨長辭四趣自在往生親侍諸佛現前受記四無量心六波羅蜜常不離行四無礙智六神通力如意自在得佛十力相好嚴身同坐道場成等正覺

各為過去父母禮佛第四

今日道場同業大眾其中若有父母少便孤背難復再遇萬劫悠然既未得天眼死生智明不知父母捨報神識更生何道唯當競設福力功德追而報恩為善不止功成必致經言為二人作福如餉遠人若生人天增益功德若處三途或在八難速令解脫生若值佛受正法教九離眾苦憂畏悉除七世久遠歷劫親緣十方眾生同得解脫

是為智者至慈至孝最上報恩相與今日若有過去者應當悲泣追懷懊惱嗚呼哽慟奉為過去父母歷劫親緣五體投地歸依世間大慈悲父

南無彌勒佛	南無釋迦牟尼佛
南無梵王佛	南無大牛王佛
南無梨陀目佛	南無龍德佛
南無寶相佛	南無莊嚴佛
南無不沒音佛	南無華持佛
南無音得佛	南無師子佛
南無莊嚴辭佛	南無勇智佛
南無華積佛	南無華開佛
南無力行佛	南無德積佛
南無上形色佛	南無明曜佛
南無月燈佛	南無威德王佛
南無菩提王佛	南無無盡佛
南無菩提眼佛	南無身充滿佛
南無慧國佛	
南無無邊身菩薩	南無觀世音菩薩

又復歸依如是十方盡虛空界一切三寶

願以慈悲力救護拯授願大眾各有過去父母歷劫眷屬從今日去至于道場一切罪緣皆得消除一切苦果永得除滅煩惱結業畢竟清淨斷三障緣無五怖畏行菩薩道廣化一切八解洗心四弘被物面奉慈顏誥承妙旨不起本處盡諸有漏隨念逍遙徧諸佛土行願早登速成正覺

奉為師長禮佛第五

今日道場同業大眾相與已為父母親緣禮佛竟次復應念師長恩德虔誠禮佛何以故亦父母雖復生育我等不能令我遠離惡趣師長於我恩德無量大慈獎諭恒使修善願出生死到於彼岸每事利益今得見佛除煩惱結九處無為如此至德誰能上報若能終身行

道正可自利非報師恩故佛言善
知識者莫過師長既能自度亦復
度人相與今日稟得出家受具足
戒此之重恩從師長得豈不人人
追念此恩相與至心等一痛切五
體投地奉為和阿闍梨同壇尊
證上中下座各及眷屬歸依世間
大慈悲父

南無彌勒佛 南無釋迦牟尼佛
南無最上佛 南無清涼照佛
南無慧德佛 南無妙音佛
南無導師佛 南無礙藏佛
南無上施佛 南無大尊佛
南無智力勢佛 南無大談佛
南無帝王佛 南無制力佛
南無威德佛 南無善明佛
南無名聞佛 南無端嚴佛
南無無塵垢佛 南無威儀佛
南無師子軍佛 南無天王佛
南無名聲佛 南無殊勝佛

南無大藏佛 南無福德光佛
南無梵聞佛
南無無邊身菩薩 南無觀世音菩薩
又復歸依如是十方盡虛空界一
切三寶

願以慈悲力同加攝受願和阿
闍梨同壇尊證上中下座各及眷
屬從今日去至坐道場一切罪障
皆得清淨一切眾苦悉得解脫一
切煩惱皆得斷除隨念往生諸佛
淨土菩提行願皆悉具足財施無
盡法施無盡福德無盡安樂無盡
壽命無盡智慧無盡四無量心六
波羅蜜常得現前四無礙智六神
通力如意自在住首楞嚴三昧得
金剛身不捨本誓還救眾生
為十方比丘比丘尼禮佛第六
今日道場同業大眾以此禮拜之
次重復增到五體投地普為十方
盡虛空界現在未來一切比丘比

丘尼式又摩那沙彌沙彌尼各及
眷屬又為十方盡虛空界一切優
婆塞優婆夷各及眷屬又為從來
信施檀越善惡知識有緣無緣各
及眷屬如是人道一切人類各及
眷屬甲等今日以慈悲心普為歸
依世間大慈悲父

南無彌勒佛 南無釋迦牟尼佛
南無燈王佛 南無智頂佛
南無上天佛 南無地王佛
南無至解脫佛 南無金髻佛
南無羅睺日佛 南無莫能勝佛
南無牟尼淨佛 南無善光佛
南無金齊佛 南無眾德天王佛
南無法益佛 南無德解佛
南無鷲伽陀佛 南無美妙惠佛
南無微意佛 南無諸威德佛
南無師子鬚佛 南無解脫相佛
南無威相佛 南無斷流佛
南無慧藏佛 南無智聚佛

南無無礙讚佛

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同加覆護願十方盡

虛空界一切比丘比丘尼式叉摩

那沙彌沙彌尼各及眷屬又願十

方一切優婆塞優婆夷各及眷屬

又願從來信施檀越善惡知識有

緣無緣各及眷屬乃至一切人道

一切人類無始已來至于今日一

切煩惱皆得斷除一切緣障皆得

清淨一切罪業皆得消滅一切眾

苦皆得解脫離三障業無五怖畏

四無量心六波羅蜜常得現前四

無礙智六神通力如意自在行菩薩

行入一乘道度脫無邊一切眾生

為十方過去比丘比丘尼禮佛第七

今日道場同業大眾重復至誠五

體投地代為十方盡虛空界一切

過去比丘比丘尼式叉摩那沙彌

沙彌尼過去優婆塞優婆夷廣及

十方一切人道一切人類有命過

者各及眷屬等今日以慈悲心

等諸佛心同諸佛願普為歸依世

間大慈悲父

南無彌勒佛 南無釋迦牟尼佛

南無寶聚佛 南無善高佛

南無山王相佛 南無法頂佛

南無解脫德佛 南無善端嚴佛

南無吉身佛 南無愛語佛

南無師子利佛 南無和樓那佛

南無師子法佛 南無法力佛

南無愛樂佛 南無讚不動佛

南無眾明王佛 南無覺悟眾生佛

南無妙眼佛 南無意住義佛

南無光照佛 南無香德佛

南無今喜佛 南無不虛行佛

南無滅志佛 南無上色佛

南無善步佛

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力救護拯援願過去一切

比丘比丘尼式叉摩那沙彌沙彌

尼各及眷屬又願過去一切優婆

塞優婆夷各及眷屬若有地獄道

苦今日即得解脫若有畜生道苦

今日即得解脫若有鬼神道苦今

日即得解脫若有鬼神道苦今

慈悲道場懺法卷第九

已爲人道竟次爲三惡道禮佛

爲阿鼻地獄禮佛第一

今日道場同業大眾從歸依已來
說此章後每言萬法雖差功用不
一至於明闇相形唯善與惡善者
則謂人天之勝途惡者則謂三途
之異轍修仁義則歸於勝興殘害
則墜於劣其居勝者良由業勝非
諍競之所要受自然之妙樂期解
脫之道遙其墜劣者良由業劣處
火城鐵網之中食則鐵丸熱鐵飲
則沸石烱銅年歷踰於造化劫數
等於無窮又地獄之苦不可親嬰
神離此軀識投彼城報以刀輪加
體償以火磨毀形命不肯促抱苦
長齡縱復獲免又墮餓鬼口中火
出命不全活從此死已又墮畜生
復受衆苦或負重致遠驅役險難

分布鼎鑊星羅几案肌肉充饋命
不盡算實三惡之重苦悲長夜之
難旦而優劣皎然無能信者以吾
我故好起疑惑以疑惑故多不向
善所以佛言世有十事死入惡道
意不專善不修功德貪著飲食如
彼餓虎耽嗜嗜酒味喜懷瞋毒常習
愚癡不受人諫自任其力辦諸惡
事喜殺衆生凌傷孤弱恒黨惡人
侵暴他界有所宣說言不真要不
慈一切起諸惡業若人如是不久
存世死入惡道今日道場同業大
衆如佛所言誰能免者既不能免
於地獄中皆有罪分大眾各各覺
悟此意唯願大眾宜與時競行菩
薩道勤求諸法利益衆生一自滅
罪二生他福此則自利利他彼我
兼利相與今日起勇猛心起堅固
心起慈悲心度一切心救衆生心
至坐道場勿忘此願仰承十方盡

虛空界一切諸佛諸大菩薩大神
通力大慈悲力解脫地獄力濟度
餓鬼力救拔畜生力大神呪力大
威猛力令某甲等所作利益所願成
就等一痛切五體投地爲阿鼻大
地獄受苦衆生乃至十八寒冰地
獄黑闇地獄十八熱地獄十八刀
輪地獄劔林地獄火車地獄沸屎
地獄鑊湯地獄如是地獄復有八
萬四千地獄眷屬等獄其中受苦
一切衆生某甲等以菩提心以菩提行
以菩提願悉皆代爲歸依世間大
慈悲父
南無彌勒佛 南無釋迦牟尼佛
南無大音讚佛 南無淨願佛
南無日天佛 南無樂慧佛
南無攝身佛 南無威德勢佛
南無刹利佛 南無德乘佛
南無上金佛 南無解脫髻佛
南無樂法佛 南無注行佛

南無捨驕慢佛 南無智藏佛

南無梵行佛 南無旃檀佛

南無無憂名佛 南無端嚴身佛

南無相國佛 南無蓮華佛

南無無邊德佛 南無天光佛

南無慧華佛 南無頻頭摩佛

南無智富佛

南無師子遊戲菩薩

南無師子奮迅菩薩

南無無邊身菩薩

南無觀世音菩薩

又復歸依如是十方盡虛空界一切三寶

願以慈悲力救拔拯接阿鼻地獄

乃至黑闇地獄刀輪地獄火車沸

屎着屬等獄受苦衆生以佛力法

力諸菩薩力一切賢聖力令諸衆

生即得解脫畢竟不復墮於地獄

一切罪障悉得消滅畢竟不復作

地獄業捨地獄生得淨土生捨地

獄業得智慧命捨地獄身得金剛

身捨地獄苦得涅槃樂念地獄苦

發菩提心四無量心六波羅蜜常

得現前四無礙智六神通力如意

自在具足智慧行菩薩道勇猛精

進不休不息乃至進修滿十地行

入金剛心成等正覺一拜

爲灰河鐵丸等獄禮佛第二

今日道場同業大衆重復至誠五

體投地爲灰河地獄劔林地獄刺

林地獄銅柱地獄鐵機地獄鐵網

地獄鐵窟地獄鐵丸地獄尖石地

獄如是十方盡虛空界一切地獄

今日現受苦一切衆生某甲等以菩

提心普爲歸依世間大慈悲父

南無彌勒佛 南無釋迦牟尼佛

南無梵財佛 南無寶手佛

南無淨根佛 南無具足論佛

南無上論佛 南無弗沙佛

南無提沙佛 南無有日佛

南無出泥佛 南無得智佛

南無護羅佛 南無上吉佛

南無法樂佛 南無求勝佛

南無智慧佛 南無善聖佛

南無網光佛 南無琉璃藏佛

南無名聞佛 南無利寂佛

南無教化佛 南無日明佛

南無善明佛 南無衆德上明佛

南無寶德佛

南無師子幡菩薩 南無師子作菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同加救拔今日現受

灰河等苦一切罪緣皆得解脫一

切苦果永得除滅地獄道業畢竟

清淨捨地獄身得金剛身捨地獄

苦得涅槃樂憶地獄苦發菩提心

同出火宅至于道場與諸菩薩俱

成正覺

為飲銅炭坑等獄禮佛第三

今日道場同業大眾重復至心工

體投地普為十方盡虛空界一切

地獄飲銅地獄眾合地獄叫喚地

獄大叫喚地獄熱地獄大熱地獄

炭坑燒林如是等無量無邊眷屬

等獄今日現受苦眾生^{某甲}等以苦

提心普代歸依世間大慈悲父

南無彌勒佛 南無釋迦牟尼佛

南無人月佛 南無羅睺佛

南無甘露明佛 南無妙意佛

南無燄明佛 南無一切主佛

南無樂智佛 南無山王佛

南無寂滅佛 南無德聚佛

南無天王佛 南無妙音聲佛

南無妙華佛 南無住義佛

南無功德威聚佛 南無智無等佛

南無甘露音佛 南無善守佛

南無利慧佛 南無息解脫義佛

南無音勝佛 南無梨陀行佛

南無善義佛 南無無過佛
南無行善佛

南無堅勇精進菩薩 南無金剛慧菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力救護攝受飲銅等地

獄現受苦眾生一切罪障皆得消

滅一切眾苦皆得解脫從今日去

畢竟不復墮於地獄捨地獄生得

淨土生捨地獄命得智慧念四無

量心六波羅蜜常得現前四無礙

辯六神通力如意自在出地獄道

得涅槃道等與如來俱成正覺^{一拜}

為刀兵銅釜等獄禮佛第四

今日道場同業大眾重復至誠普

為十方盡虛空界一切地獄想地

獄黑砂地獄釘身地獄火井地獄

石曰地獄沸砂地獄刀兵地獄飢

餓地獄銅釜地獄如是等無量地

獄今日現受苦眾生^{某甲}等今日以

菩提心力普為歸依世間大慈悲父

南無彌勒佛 南無釋迦牟尼佛

南無華藏佛 南無妙光佛

南無樂說佛 南無善濟佛

南無眾王佛 南無離畏佛

南無辯才日佛 南無名聞佛

南無寶月明佛 南無上意佛

南無無畏佛 南無大見佛

南無梵音佛 南無善音佛

南無慧濟佛 南無無等意佛

南無金剛軍佛 南無菩提意佛

南無樹王佛 南無槃陀音佛

南無福德力佛 南無勢德佛

南無聖愛佛 南無勢行佛

南無琥珀佛

南無柔陰蓋菩薩 南無寂根菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同加救護刀兵地獄
 一切地獄眷屬等獄受苦眾生即
 得解脫一切眾苦永得除斷離地
 獄緣得智慧生憶地獄苦發菩提
 心行菩薩道不休不息入一乘道
 滿十地行皆有神力還接一切同
 坐道場俱登正覺一拜
 為火城刀山等獄禮佛第五
 今日道場同業大眾重復至誠普
 為十方盡虛空界一切地獄火城
 地獄石窟地獄湯澆地獄刀山地
 獄虎狼地獄鐵牀地獄熱風地獄
 吐火地獄如是等無量無邊眷屬
 等獄今日現受苦眾生某甲等以菩
 提心力普為歸依世間大慈悲父
 南無彌勒佛 南無釋迦牟尼佛
 南無雷音雲佛 南無善愛目佛
 南無善智佛 南無具足佛
 南無德積佛 南無大音佛
 南無法相佛 南無智音佛

南無虛空佛 南無祠音佛
 南無慧音差別佛 南無功德光佛
 南無聖王佛 南無眾意佛
 南無辯才輪佛 南無善寂佛
 南無月面佛 南無日名佛
 南無無垢佛 南無功德集佛
 南無華德相佛 南無辯才國佛
 南無寶施佛 南無愛月佛
 南無不高佛
 南無慧上菩薩 南無常不離世菩薩
 南無無邊身菩薩 南無觀世音菩薩
 又復歸依如是十方盡虛空界一
 切三寶
 願以慈悲力同加攝受刀山等獄
 受苦眾生即得解脫乃至十方不
 可說一切地獄現受苦一切眾生願
 以佛力法力菩薩力賢聖力令諸
 眾生同得解脫永斷十方諸地獄
 業從今已去至于道場畢竟不復
 墮於三途捨身受身常值諸佛具

足智慧清淨自在勇猛精進不休
 不息乃至進修滿十地行登金剛
 心入種智果以佛神力隨心自在
 為餓鬼道禮佛第六
 今日道場同業大眾重復至誠五
 體投地普為十方盡虛空界一切
 餓鬼道餓鬼神等 切餓鬼各及
 眷屬某甲等今日以菩提心力普為
 歸依世間大慈悲父
 南無彌勒佛 南無釋迦牟尼佛
 南無師子力佛 南無自在王佛
 南無無量淨佛 南無等定佛
 南無不壞佛 南無滅垢佛
 南無不失方便佛 南無無燒佛
 南無妙面佛 南無智制住佛
 南無法師王佛 南無大天佛
 南無深意佛 南無無量佛
 南無法力佛 南無世供養佛
 南無華光佛 南無三世供佛
 南無應日藏佛 南無天供養佛

南無上智人佛 南無真髻佛

南無信甘露佛 南無金剛佛

南無堅固佛

南無藥王菩薩 南無藥上菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同如攝受救拔一切

餓鬼道苦東西南北四維上下盡

十方界一切 餓鬼道一切餓鬼神

各及眷屬一切餓鬼各及眷屬一

切罪障皆得消滅一切眾苦皆得

解脫身心清涼無復熱惱身心飽

滿無復飢渴得甘露味開智慧眼

四無量心六波羅蜜常得現前四

無礙智六神通力如意自在離餓

鬼道入涅槃道等與諸佛俱成正

覺一拜

為畜生道禮佛第七

今日道場同業大眾重復運心五

體投地普為東西南北四維上下

如是十方盡虛空界一切畜生道

四生眾若大若小水陸空界一

切眾各及眷屬某甲等今日以慈

悲心力普為歸依世間大慈悲父

南無彌勒佛 南無釋迦牟尼佛

南無寶扇明佛 南無梨陀步佛

南無隨日佛 南無清淨佛

南無明力佛 南無功德聚佛

南無具足眼佛 南無師子行佛

南無高出佛 南無華施佛

南無珠明佛 南無蓮華佛

南無愛智佛 南無槃陀嚴佛

南無不虛行佛 南無生法佛

南無相好佛 南無思惟樂佛

南無樂解脫佛 南無知道理佛

南無常精進菩薩 南無不休息菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力覆護攝受東西南北

四維上下盡空法界一切畜生道

一切四生各及眷屬一切罪障皆

得消滅一切眾苦皆得解脫同捨

惡趣俱得道器身心安樂如第三

禪四無量心六波羅蜜常得現前

四無礙智六神通力如意自在離

畜生道入涅槃道登金剛心成等

正覺一拜

為六道發願第八

某甲等以今奉為諸天諸仙龍神八

部禮佛功德因緣願十方盡虛空

界四生六道窮未來際一切眾生

從今日去至于菩提不復還更枉

誤形骸受諸楚毒不復更造十惡

三逆却入三途承今禮佛功德因

緣各得菩薩摩訶薩淨身口業各

得菩薩摩訶薩所有諸心大地心

生諸善根大海心受持諸佛智慧

大法須彌山心令一切安住無上

菩提摩尼寶心遠離煩惱金剛心
決定諸法堅固心衆魔外道不能
沮壞蓮華心一切世法所不能染
淨日心除滅一切愚癡障障虛空
心一切衆生無能量者又願四生
六道一切衆生從今日去思量識
性思量波信解性棄捐調戲常思
法語所有皆施心無愛惜心勇
猛不懷怯弱所修功德悉施一切
不還邪道專心一向見善如化見
惡如夢捨離生死速出三界明了
觀衆甚深妙法各得供養一切諸
佛供養衆具皆悉滿足各得供養
一切尊法供養衆具皆悉滿足各
得供養一切菩薩供養衆具皆悉
滿足各得供養一切賢聖供養衆
具皆悉滿足若有後流一切衆生
異甲等今日願界者皆悉令入大
願海中即得成就功德智慧以佛
神力隨心自在等與如來俱成正

覺一拜

發言念無常

今日道場同業大眾相與已得爲
六道禮懺竟次復應須悟也無常
夫三世罪福因果相生惻然在心
慮不斯隔常謂影響相符乃可胡
越善惡之致非可得而舛也唯願
大眾覺悟無常勤修行業以自資
身勿生懈怠而不努力智者常歎
假使千萬億歲受五欲樂終不得
免三惡道苦況我百年而不得半
於此促期那得自寬且世間幻惑
終歸磨滅常者皆盡高者亦墜合
會有離生必應死重官厚祿誰得
免之父母兄弟六親眷屬受徹骨
髓當捨壽時不得相代榮華甚貴
錢財寶物亦不能延人之壽命亦
不可以言辭飲食求囑脫者無形
之對誰能留者經云死者盡也氣
絕神逝形骸蕭索人物一統無生

不終而捨命之時受大苦惱內外
六親圍繞號哭死者違怖莫知依
投身虛體冷氣將欲盡見先所作
善惡報相其修善者天神扶衛其
行惡者牛頭在側獄卒羅刹水無
寬恕慈親孝子不能相救夫妻恩
愛相看就盡風刀解身苦不可言
死者介時肝膽寸裂無量痛惱一
時同集神識周樟如狂如醉沒欲
起一念善作一毫福懷恨在心不
復能得如是苦惱無人代受涅槃
經言死者於險難處無有資糧去
處懸遠又無伴侶晝夜常行無有
邊際深遠幽闇無有光明入無邊
止到不得脫生不修福死歸苦處
愁毒辛酸不可療治非是惡色令
人怖畏今日道場同業大眾生死
果報如環無窮孤魂獨逝無人見
者不可尋覓不可物寄唯各努力
捍勞忍苦勤修四等六波羅蜜以

為獨逝諸趣之資莫以強健而自
安心宜各至心等一痛切五體投
地歸依世間大慈悲父

南無彌勒佛 南無釋迦牟尼佛

南無多聞海佛 南無持華佛

南無不隨世佛 南無喜眾佛

南無孔雀音佛 南無不退沒佛

南無斷有愛垢佛 南無威儀濟佛

南無諸天流布佛 南無寶步佛

南無華手佛 南無威德佛

南無破怨賊佛 南無言多聞佛

南無妙國佛 南無華明佛

南無師子智佛 南無月出佛

南無滅闇佛 南無無動佛

南無師子遊戲菩薩 南無師子奮迅菩薩

南無無邊身菩薩 南無觀世音菩薩

又復歸依如是十方盡虛空界一
切三寶

願以慈悲力同加覆護今日道場

同懺悔者從今日去乃至菩提一

切三寶

切罪因無量苦果悉得斷除煩惱
結業畢竟清淨諸佛法會皆現身
相行菩薩道隨意自在四等六度
如說修行四辯六通無不滿足百
千三昧應念現前諸摠持門無不
能入早登道場成等正覺一拜

為執勞運力禮佛

今日道場同業大眾重複至誠五

體投地起慈悲心無怨親想為今

日轉生作熟執勞隨喜施工運力

助警福者各及眷屬又為即世牢

獄憂厄困苦囹圄繫閉及諸刑罰

念其處世雖獲人身樂少苦多枷

鎖杻械未嘗離體由何所致或今

身造惡或過去所追或應免脫無

由自申重罪分死無救護者如是

眾生各及眷屬某甲某乙等今日以慈悲

心普為歸依一切世間大慈悲父

南無彌勒佛 南無釋迦牟尼佛

南無次第行佛 南無福德燈佛

南無音聲治佛 南無憍曇佛

南無勢力佛 南無身心住佛

南無善月佛 南無覺慧華佛

南無上吉佛 南無善威德佛

南無智力德佛 南無善燈佛

南無堅行佛 南無天音佛

南無安樂佛 南無日面佛

南無樂解脫佛 南無戒明佛

南無住戒佛 南無無垢佛

南無師子幡菩薩 南無師子作菩薩

南無無邊身菩薩 南無觀世音菩薩

又復歸依如是十方盡虛空界一
切三寶

願以慈悲力同加覆護今日執勞

隨喜者各及眷屬從今日去至于

菩提一切罪障皆得消滅一切眾

苦畢竟解脫壽命延長身心安樂

永離災厄無復障惱發大乘心修

菩薩行六度四等皆悉具足捨生

死苦得涅槃樂又願東西二冶諸

切三寶

餘牢獄徒囚繫閉憂厄困苦諸有
疾病不得自在者各及眷屬以今
爲其禮佛功德威力一切衆苦皆
悉解脫惡業對因畢竟斷除出牢
獄戶入善法門壽命無窮智力無
盡身心永樂如第三禪憶牢獄苦
念諸佛恩改惡修善皆發大乘行
菩薩道至金剛際還復度脫一切
衆生同登正覺神力自在 一拜
已懺悔發菩提心竟次應迴向
發迴向第三

今日道場同業大衆已得發心辦
所辦竟次復應須以前功德各發
迴向何以故尔一切衆生所以不
能得解脫者皆由著於世間果報
不能捨離若有片福一毫之善能
迴向者則於果報不復生著便得
解脫優遊自在所以經歎修行迴
向爲大利益是故今日應發迴向
兼勸一切不著果報我等相與先

應至心五體投地歸命敬礼世間
大慈悲父

南無彌勒佛 南無釋迦牟尼佛
南無堅出佛 南無安闍那佛
南無增益佛 南無香明佛
南無蓮藍明佛 南無金玉佛
南無蜜鉢佛 南無無礙相佛
南無信戒佛 南無至妙道佛
南無樂實佛 南無明法佛
南無具威德佛 南無至寂滅佛
南無上慈佛 南無大慈佛
南無甘露主佛 南無彌樓明佛
南無聖讚佛 南無廣照佛
南無文殊師利菩薩 南無普賢菩薩
南無無邊身菩薩 南無觀世音菩薩
又復歸依如是十方盡虚空界一
切三寶
願以慈悲力同加覆護一切行願
皆得圓滿今日道場同業大衆從
今日去至于菩提行菩薩道誓莫

退還先度衆生然後作佛若未得
道中間留住生死者以此願力令
諸大衆在所生處身口意業恒自
清淨常發廣大勝妙之心柔軟心
調和心勇猛心不放逸心寂滅心
真心不雜亂心無貪恪心大勝心
大慈悲心安住心歡喜心先度一
切心守護一切心守護菩提心捨
等佛心發如是等廣勝妙心專求
多聞修離欲定饒益安樂一切衆
生不捨菩提同成正覺

說迴向法
今日道場同業大衆相與胡跪合
掌心念口言隨我今說
十方諸天仙 所有功德業
我今爲迴向 同歸正覺道
十方龍鬼神 所有勝善業
我今爲迴向 同歸一乘道
十方諸人王 所修菩提業
我今爲迴向 同歸無上道

六道眾生類	所有微善業
我今為迴向	同歸無上道
十方佛弟子	善來比丘眾
無著四沙門	及求緣覺者
隱顯化眾生	明了因緣法
如是兼一切	盡迴向佛道
十方諸菩薩	讀誦受持經
入禪出禪者	勸捨行眾善
如是等三乘	一切眾德本
盡迴施眾生	同歸無上道
天上及人間	聖道諸善業
我今勸迴向	同歸無上道
發心及懺法	自行若勸人
所有微毫福	盡迴施眾生
眾生不得佛	不捨菩提願
一切成佛盡	然後登正覺
如願佛菩薩	無漏諸聖人
此世及後生	唯願見攝受
相與至心五體投地奉為	
國王帝主迴向奉為父母親緣迴	

向奉為師長同學迴向奉為信施
檀越善惡知識迴向奉為護世四
王迴向又為十方魔王迴向又為
聰明正直天地虛空主善罰惡守
護持呪五方龍王龍神八部迴向
又為幽顯一切靈祇迴向又為十
方盡虛空界一切眾生迴向唯願
十方諸天諸仙龍神八部一切眾
生從今日去至于菩提恆會無相
不復耽著一拜

慈悲道場懺法卷第九

慈悲道場懺法卷第十
菩薩迴向法

今日道場同業大眾相與已得捍
勞忍苦修如是等無量善根宜復
人人起如是念我所修習善根悉
以饒益一切眾生令諸眾生究竟
清淨以此所修懺悔善根令一切
眾生皆悉滅除地獄餓鬼畜生閻
羅王等無量苦惱以此懺法為諸
眾生作大舍令滅苦陰作大護令
脫煩惱作歸依令離恐怖作止趣
令至智地作安隱令得究竟安隱
處作大明令滅癡闇作大燈令得
安住究竟明淨作大導師令入方
便法得淨智身

今日道場同業大眾如此諸法是
菩薩摩訶薩為怨親故以諸善根
同共迴向一切眾生等無差別入
平等觀無怨親想常以愛眼視諸

眾生若眾懷恨於善陸起惡逆心者菩薩為真善知識善調伏心為說深法辭如大海一切眾毒所不能壞菩薩亦不愚癡無智不知報恩如是眾生起無量惡不能動亂菩薩道心譬如皎日普照眾生不為無目而隱光明菩薩道心亦復如是不為惡者而生退沒不以眾生難調伏故退捨善根菩薩摩訶薩於諸善根信心清淨長養大悲以諸善根普為眾生深心迴向非但口言於諸眾生皆發歡喜心明淨心柔軟心慈悲心愛念心攝取心饒益心安樂心最勝心以諸善根迴向善陸摩訶薩發如是善根迴向我等今日亦應仰學如是迴向心念口言若我所有迴向功德令諸眾生得清淨趣得清淨生功德滿足一切世間無能壞者功德智慧無有窮極身口意業具足

莊嚴常見諸佛以不壞信聽受正法離諸疑網憶持不忘淨身口業心常安住勝妙善根永離貧乏七財充滿修學一切菩薩所學得諸善根成就平等得妙解脫一切種智於諸眾生得慈愛眼身根清淨言辭辯慧發起諸善心無染著入甚深法攝取一切同住諸佛住無所住所有迴向悉如十方菩薩摩訶薩所發迴向廣大如法性究竟如虛空願某甲等得如所願滿菩提願四生六道同得如願重復增到五體投地歸依世間大慈悲父

南無 弥勒佛 南無釋迦牟尼佛
 南無 威德佛 南無見明佛
 南無 善行報佛 南無善喜佛
 南無 無憂佛 南無寶明佛
 南無 滅儀佛 南無樂福德佛
 南無 功德海佛 南無盡相佛
 南無 斷魔佛 南無盡魔佛

南無過義道佛 南無不壞意佛
 南無水王佛 南無淨魔佛
 南無眾上王佛 南無愛明佛
 南無菩提相佛 南無智明佛
 南無常精進菩薩 南無不休息菩薩
 南無無邊身菩薩 南無觀世音菩薩
 又復歸依十方盡虛空界一切三寶願以慈悲力同加攝受今迴向心具足成就某甲等若具有無量大惡罪業應受無量無邊毒於惡道中不能自拔違今日發菩提心違菩提行違菩提願者願十方大地菩薩一切聖人以慈悲心不違本願助某甲等於彼三惡道中救諸眾生今得解脫願不以苦故捨離眾生為我荷負重擔滿平等願度脫一切眾生老病死愁憂苦惱無量諸難令諸眾生悉得清淨具足善根究竟解脫捨離眾魔遠惡知識親近善友真善眷屬成就淨業

盡滅眾苦具足菩薩無量行願見
佛歡喜得一切智還復度脫一切眾生
已迴向竟次應於六根發願

發願第四

又願今日道場同業大眾各自發
如是願尋眾惡所起皆緣六根是
為六根眾禍之本雖為禍本亦能
招致無量福業故勝鬘經言守護
六根淨身口意以此義證生善之
本故於六根發大誓願

初發眼根願

願今日道場同業大眾廣及十方
四生六道一切眾生從今日去乃
至菩提眼常不見貪欲無欺詐幻
之色不見諂諛曲媚佞會之色不
見玄黃朱紫惑人之色不見瞋恚
鬪爭醜狀之色不見打扑苦惱損
他之色不見屠裂傷毀眾生之色
不見愚癡無信疑闇之色不見無
謙無敬驕慢之色不見九十六種

邪見之色眼常不見如是一切眾
惡不善之色願眼常見一切十方
常住法身湛然之色常見三十二
相紫磨金色常見八十種好隨形
之色常見諸天諸仙奉寶求獻散
華之色常見口出五種色光說法
度人之色常見分身散體遍滿十
方之色常見諸佛放肉髻光感有
緣來會之色又願眼常見十方菩
薩辟支羅漢眾聖之色常得與諸
眾生及諸眷屬觀佛之色常見眾
善無教假色常見七覺淨華之色
常見解脫妙果之色常見今日道
場大眾歡喜讚法頂受之色常見
四眾圍繞聽法渴仰之色常見一
切布施持戒忍辱精進之色常見
一切靜默禪思修智慧之色常見
一切眾生得無生忍現前受記歡
喜之色常見一切登金剛慧斷無
明闇補處之色常見一切沐浴法

流不退之色已發眼根願竟相與
至心五體投地歸依世間大慈悲父
南無彌勒佛 南無釋迦牟尼佛
南無善寂佛 南無梵命佛
南無智喜佛 南無神相佛
南無如眾王佛 南無持地佛
南無愛日佛 南無羅睺月佛
南無華明佛 南無藥師佛
南無持勢力佛 南無福德明佛
南無喜明佛 南無好音佛
南無法自在佛 南無梵音佛
南無妙音菩薩 南無大勢至菩薩
南無無邊身菩薩 南無觀世音菩薩
又復歸依如是十方盡虛空界一
切三寶
願以慈悲力后加覆護令某甲等得
如所願滿菩提願一拜
次發耳根願
又願今日道場同業大眾廣及十
方四生六道一切眾生從今日去

乃至菩提耳常不聞啼哭愁苦悲泣之聲不聞無聞地獄受苦之聲不聞鐵湯雷沸振響之聲不聞刀山劍樹鋒刃割裂之聲不聞十八地獄間隔無量苦楚之聲又願從今日去耳常不聞餓鬼飢渴熱惱求食不得之聲不聞餓鬼行動節節聞火然作五百車聲又願從今日去耳常不聞畜生身大五百由旬爲諸小虫嗜食苦痛之聲不聞犍槓不還生駝駝驢馬中身常負重鞭杖楚撻困苦之聲耳常不聞愛別離怨憎會等八苦之聲不聞四百四病苦報之聲不聞一切諸惡不善之聲不聞鐘鈴螺鼓琴瑟箏篋琳瑯玉珮惑人之聲唯願一切眾生從今日去耳常得聞諸佛說法八種音聲常聞無常苦空無我之聲常聞八萬四千波羅蜜聲常聞假名諸法無性之聲常聞諸佛

一音說法各得解聲常聞一切眾生皆有佛性法身常住不滅之聲常聞十地菩薩忍音修進之聲常聞得無生解善入佛慧出三界之聲常聞諸法身菩薩入法流水真俗並觀念念具足萬行之聲常聞十方辟支羅漢四果之聲常聞帝釋爲諸天說般若之聲常聞十地補處大士在兜率宮說法不退轉地行之聲常聞萬善同歸得佛之聲常聞諸佛讚歎一切眾生能行十善隨喜之聲願諸眾生常聞諸佛讚言善哉是人不久成佛之聲已發耳根願竟相與至心五體投地重復歸依世間大慈悲父

南無滅癡佛 南無無量佛
南無善月佛 南無無邊辯相佛
南無寶月菩薩 南無月光菩薩
南無無邊身菩薩 南無觀世音菩薩
又復歸依如是十方盡虛空界一切三寶
願以慈悲力同加攝受今我等得如所願滿菩提願
次發鼻根願
又願今日道場同業大眾廣及六道一切眾生從今日去乃至菩提鼻常不聞故生滋味飲食之氣不聞蚊獵放火燒害眾生之氣不聞烝者熬炙眾生之氣不聞三十六物革囊臭處之氣不聞錦綺羅縠感人之氣又願鼻不聞地獄剝裂焦爛之氣不聞餓鬼飢渴飲食糞穢膿血之氣不聞畜生腥臊不淨之氣不聞病卧牀席無人看視瘡壞難近之氣不聞大小便利臭穢

之氣不聞死屍脍脹虫食爛壞之
 氣唯願大衆六道衆生從今日去
 鼻常得聞十方世界牛頭旃檀無
 價之香常聞優曇鉢羅五色華香
 常聞歡喜園中諸樹華香常聞兜
 率天宮說法時香常聞妙法堂上
 遊戲時香常聞十方衆生行五戒
 十善六念之香常聞一切七方便
 人十六行香常聞十方辟支學無
 學人衆德之香常聞四果四向得
 無漏香常聞無量菩薩歡喜難垢
 發光燄慧難勝遠行現前不動善
 慧法雲之香常聞衆聖戒定慧解
 脫解脫知見五分法身之香常聞
 諸佛菩提之香常聞三十七品十
 二緣觀六度之香常聞大悲三念
 十力四無所畏十八不共法香常
 聞八萬四千諸波羅蜜香常聞十
 方無量妙極法身常住之香已發
 鼻根願竟相與至心五體投地歸

依世間大慈悲父

南無彌勒佛 南無釋迦牟尼佛

南無梨陀法佛 南無應供養佛

南無度憂佛 南無樂安佛

南無世意佛 南無愛身佛

南無妙足佛 南無優鉢羅佛

南無華纓佛 南無無邊辯光佛

南無信聖佛 南無德精進佛

南無妙德菩薩 南無金剛藏菩薩

南無無邊身菩薩 南無觀世音菩薩

又復歸依如是十方盡虛空界一
切三寶

願以慈悲力同加攝受令某甲等得
如所願滿菩提願

次發舌根願

又願今日道場同業大衆廣及十
方四生六道一切衆生從今已去

乃至菩提舌恒不嘗傷殺一切衆
生身體之味不嘗一切自死之味

不嘗生類血髓之味不嘗怨家對

主毒藥之味不嘗一切能生貪愛

煩惱滋味之味願舌恒嘗甘露百

種美味恒嘗諸自然飲食之味恒

嘗香積香飯之味恒嘗諸佛所食

之味恒嘗法身戒定慧之所熏修

所現食味恒嘗法喜禪悅之味恒

嘗無量功德滋治慧命甜和之味

恒嘗解脫一味等味恒嘗諸佛泥

洹至樂最上勝味之味已發舌根

願竟相與至心五體投地歸依世
間大慈悲父

南無彌勒佛 南無釋迦牟尼佛

南無真實佛 南無天主佛

南無高音佛 南無信淨佛

南無婆耆羅陀佛 南無福德音佛

南無談熾佛 南無無邊德佛

南無聚成佛 南無師子遊佛

南無不動佛 南無信清淨佛

南無虛空藏菩薩 南無薩陀波輪菩薩

南無無邊身菩薩 南無觀世音菩薩

又復歸依如是十方盡虛空界一切三寶

願以慈悲力哀憐覆護令^某等得如所願滿菩提願

次發身根願

又願今日道場同業大眾廣及十

方一切眾生從今日去乃至菩提

身常不覺五欲邪媚之觸不覺護

湯爐炭寒冰等觸不覺餓鬼頭上

火然烱銅灌口焦爛之觸不覺畜

生剝裂苦楚之觸不覺四百四病

諸苦之觸不覺大熱大寒難耐之

觸不覺蚊蚋蚤虱諸虫之觸不覺

刀杖毒藥加害之觸不覺飢渴困

苦一切諸觸願身常覺諸天妙衣

之觸常覺自然甘露之觸常覺清

涼不寒不熱之觸常覺不飢不渴

無病無惱休強之觸常覺卧安覺

安無憂無怖之觸常覺十方諸佛

淨土微風吹身之觸常覺十方諸

佛淨國七寶浴池洗滌身心之觸常覺無老病死諸苦之觸常覺飛行自在與諸菩薩聽法之觸常覺諸佛涅槃八自在觸已發身根願竟相與至心五體投地歸依世間大慈悲父

南無弥勒佛 南無釋迦牟尼佛

南無行明佛 南無龍音佛

南無持輪佛 南無財成佛

南無世愛佛 南無法名佛

南無無量寶名佛 南無雲相佛

南無慧道佛 南無妙香佛

南無虛空音佛 南無虛空佛

南無越一界菩薩 南無跋陀婆羅菩薩

南無無邊身菩薩 南無觀世音菩薩

又復歸依如是十方盡虛空界一切三寶

願以慈悲力覆護攝受令^某等得如所願滿菩提願

次發意根願

又願今日道場同業大眾廣及十

方一切眾生從今日去乃至菩提

身常不覺五欲邪媚之觸不覺護

湯爐炭寒冰等觸不覺餓鬼頭上

火然烱銅灌口焦爛之觸不覺畜

生剝裂苦楚之觸不覺四百四病諸苦之觸不覺大熱大寒難耐之觸不覺蚊蚋蚤虱諸虫之觸不覺刀杖毒藥加害之觸不覺飢渴困苦一切諸觸願身常覺諸天妙衣之觸常覺自然甘露之觸常覺清涼不寒不熱之觸常覺不飢不渴無病無惱休強之觸常覺卧安覺安無憂無怖之觸常覺十方諸佛淨土微風吹身之觸常覺十方諸佛淨國七寶浴池洗滌身心之觸常覺無老病死諸苦之觸常覺飛行自在與諸菩薩聽法之觸常覺諸佛涅槃八自在觸已發身根願竟相與至心五體投地歸依世間大慈悲父

南無弥勒佛 南無釋迦牟尼佛

南無行明佛 南無龍音佛

南無持輪佛 南無財成佛

南無世愛佛 南無法名佛

南無無量寶名佛 南無雲相佛

南無慧道佛 南無妙香佛

南無虛空音佛 南無虛空佛

南無越一界菩薩 南無跋陀婆羅菩薩

南無無邊身菩薩 南無觀世音菩薩

又復歸依三寶應受五戒次行十

善如是等法能招天上人中勝報

常知未免生死應修七方便觀腰

頂法等常知應行無漏苦忍十六

聖心先修十六行觀觀四真諦常

一切尊法為諸眾生病之良藥一

切賢聖為諸眾生看病之母願意

常知歸依三寶應受五戒次行十

善如是等法能招天上人中勝報

常知未免生死應修七方便觀腰

頂法等常知應行無漏苦忍十六

聖心先修十六行觀觀四真諦常

知四諦平等無相故成四果常知
 摠相別相一切種法常知十二因
 緣三世因果輪轉無有休息常知
 修行六度八萬諸行常知斷除八
 萬四千塵勞常知體會無生必斷
 生死常知十住階品次第具足常
 知以金剛心斷無明闇得無上果
 常知體極一照萬德圓備累患都
 盡成大涅槃常知佛地十力四無
 所畏十八不共無量功德無量善
 法已發意根願竟相與至心五體
 投地歸依世間大慈悲父

南無彌勒佛 南無釋迦牟尼佛
 南無天王佛 南無珠淨佛
 南無善財佛 南無燈燄佛
 南無寶音佛 南無人主王佛
 南無羅睺守佛 南無安隱佛
 南無師子意佛 南無寶名聞佛
 南無得利佛 南無徧見佛
 南無馬鳴菩薩 南無龍樹菩薩

南無無邊身菩薩 南無觀世音菩薩
 又復歸依如是十方盡虛空界一
 切三寶
 願以慈悲心哀愍覆護攝受令
 等得如所願滿菩提願
 次發口願
 又願大衆廣及十方一切衆生從
 今日去乃至菩提口常不毀咎三
 寶不誘弘通經人說其過患不言
 作善不得樂報作惡不得苦果不
 言人死斷滅不復更生不說無利
 益損他人事不說邪見外道所造
 經書不教人作十惡業不教人造
 五逆業不稱揚人惡不言俗間無
 趣好戲笑事不教人假信邪鬼神
 不評論人物好醜不瞋罵父母師
 長善友不勸人造罪不斷人作福
 願口常讚歎三寶讚歎弘通法人
 說其功德示人善惡果報常說悟
 人身死神明不滅常發善言使人

利益常說如來尊經十二部常言
 一切衆生皆有佛性當得常樂我
 淨常教人孝事父母恭敬師長常
 勸人歸依三寶受持五戒十善六
 念常讚誦經典唵說諸善常教人
 近善知識遠惡知識願口常說十
 住佛地無量功德使人修淨土行
 莊嚴極果常教人勤禮三寶常教
 人建立形像修諸供養常教人作
 諸善事如救頭然常教人救窮濟
 苦無暫停息已發口願竟相與至
 心五體投地歸依世間大慈悲父

南無彌勒佛 南無釋迦牟尼佛
 南無世華佛 南無高頂佛
 南無無偏辯才佛 南無差別見佛
 南無師子牙佛 南無梨陀步佛
 南無福德佛 南無法燈善佛
 南無目捷連佛 南無無憂國佛
 南無意思佛 南無樂善提佛
 南無師子遊戲菩薩 南無師子喜遊菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力覆護攝受令甲等得

如所願滿菩提願

諸行法門

又願十方盡虛空界四生六道一

切眾生從今發願之後各能具足

諸行法門篤信三寶愛敬法門不

懷疑惑堅固法門欲斷起惡勤懺

法門欲願清淨念悔法門自心清

淨護身法門永淨四事護口法門

不毀三業護意法門具足所願菩

提法門第一不害悲心法門化使

立德慈心法門不毀他人歡喜法

門不欺他人至誠法門欲滅三途

三寶法門終不虛妄真實法門不

慢彼我捨害法門無有猶預并結

法門斷鬪訟意無誣法門奉行平

等應正法門

又願眾生具足如是無量法門

心趣法門觀心如幻意斷法門捨

不善本神足法門身心輕便信根

法門不願退根進根法門不捨善

軌念根法門善造道業定根法門

攝心正道慧根法門觀無常空信

力法門越魔威勢進力法門一去

不還念力法門未曾忘捨定力法

門滅眾妄想慧力法門周旋往來

進覺法門積行佛道正定法門速

得三昧淨性法門不樂餘乘

願諸眾生悉具菩薩摩訶薩諸如

是等八百法門清淨佛土勤化慳

嫉悉度眾惡八難之處攝諸諍訟

瞋恚之人勤行眾善攝懈怠者定

意神通攝諸亂想已發願竟相與

至心五體投地歸依世間大慈悲父

南無彌勒佛 南無釋迦牟尼佛

南無法天敬佛 南無斷勢力佛

南無極勢力佛 南無慧華佛

南無堅音佛 南無安樂佛

南無妙義佛 南無愛淨佛

南無慙愧顏佛 南無妙髻佛

南無欲樂佛 南無樓志佛

南無藥王菩薩 南無藥上菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力救護攝受令三界六

道四生眾生以今慈悲道場懺法

發心發願功德因緣各各具足功

德智慧以神通力隨心自在

已發願竟次應囑累流通

囑累第五

今日道場同業大眾相與已為六

道四生眾生發誓願竟次以眾生

付囑諸大菩薩願以慈悲心同加

攝受以今懺悔發願功德因緣令

一切眾生悉皆樂求無上福田深

信施佛有無量報令一切眾生

心向佛具得無量清淨果報願一切衆生於諸佛所無慳悋心具足大施無所愛惜又願一切衆生於諸佛所修無上福田離二乘願行菩薩道得諸如來無礙解脫一切種智又願一切衆生於諸佛所種無盡善根得佛無量功德智慧又願一切衆生攝取深慧具足清淨無上智王又願一切衆生所遊自在得諸如來至一切處無礙神力又願一切衆生攝取大乘得無量種智安住不動又願一切衆生具足成就第一福田皆能出生一切智地又願一切衆生於一切佛無嫌恨心種諸善根樂求佛智又願一切衆生以妙方便往詣一切莊嚴佛刹於一念中深入法界而無疲倦又願一切衆生得無比身盡能遍遊十方世界而無疲厭又願一切衆生成廣大身得隨意行得

一切佛神力莊嚴究竟彼岸於一念中顯現如來自存神力遍虛空界已發如是大願竟廣大如法性究竟如虛空願一切衆生得如所願滿菩提願相與至心五體投地等若受苦報不能救衆生者以衆生囑累

無量無邊盡虛空界無生法身菩薩
無量無邊盡虛空界無漏色身菩薩
無量無邊盡虛空界發心菩薩
興正法馬鳴大師菩薩
興像法龍樹大師菩薩
十方盡虛空界無邊身菩薩
十方盡虛空界救苦觀世音菩薩
文殊師利菩薩 普賢菩薩
師子遊戲菩薩 師子奮迅菩薩
師子幢菩薩 師子作菩薩
堅勇精進菩薩 金剛慧菩薩
乘陰蓋菩薩 寂根菩薩
慧上菩薩 常不離世菩薩

藥王菩薩 藥上菩薩
虛空藏菩薩 金剛藏菩薩
常精進菩薩 不休息菩薩
妙音菩薩 妙德菩薩
寶月菩薩 月光菩薩
陸陀波輪菩薩 越三界菩薩
又復囑累如是十方盡虛空界一切菩薩願諸菩薩摩訶薩以本願力普度衆生力攝受十方無窮無盡一切衆生願菩薩摩訶薩不捨一切衆生同善知識無分別相願一切衆生知菩薩恩親近供養願諸菩薩慈愍攝受令諸衆生得正直心隨逐菩薩不相遠離願一切衆生隨菩薩教不生違反得堅固心不捨善知識離一切垢心不可壞今諸衆生為善知識不惜身命悉捨一切不違其教令諸衆生修習大慈遠離諸惡聞佛法悉能受持今諸衆生同諸菩薩善根業

報菩薩行願究竟清淨具足神通
隨意自在乘於大乘乃至究竟一
切種智於其中間無有懈怠乘智
慧乘至安隱處得無礙乘究竟自
在從始至末歸依三寶斷疑生信
懺悔發心顯果報出地獄解怨自
慶發願迴向乃至囑累所有功德
悉以布施十方盡虛空界一切眾生
彌勒世尊現為我證十方諸佛哀
慈覆護所悔所願皆得成就願諸
眾生同慈悲父俱生此國預在初
會聞法悟道功德智慧一切具足
與諸菩薩等無有異入金剛心成
等正覺

讚佛咒願

多陀阿伽度阿羅訶三藐三佛陀
三德具足度人無量拔生死苦以
今懺悔禮佛功德因緣願諸界土
各各具足得如所願滿菩提願_{某甲}
等今日所發誓願悉同十方盡虛_{于六}

空界一切諸佛諸大菩薩所有摺
願不可窮盡我今摺願亦復如是
廣大如法性究竟如虛空窮未來
際盡一切劫眾生不可盡我願不
可盡世界不可盡我願不可盡虛
空不可盡我願不可盡法性不可
盡我願不可盡涅槃不可盡我願
不可盡佛出世不可盡我願不可
盡諸佛智慧不可盡我願不可盡
心緣不可盡我願不可盡起智不
可盡我願不可盡世間道種法道
種智慧道種不可盡我願不可盡
若十種可盡我願乃可盡一切和
南三乘聖眾

慈悲道場懺法卷第十